

ՄԱՐԶԻԿ

ՀԱՇՄ

Մարզիկ

مجلة رياضية شهرية
تصدرها جمعية الهومنتمن بيروت

marzig

SPORTS MAGAZINE

հե, ՏԱՐԻ, 2006, ԹԻԻ 3-4 (285-286) VOL. XXV N°3-4 السنة الخامسة والعشرون العدد الثالث والرابع



ՓԱՌԱՏՕՆ 2006



ԼԻԲԱՆԱՆ

ՄԻՇՏ ՊԱՏՐԱՍ՝ ՀԱՅՐԵՆԻԻ ՀԱՄԱՐ




ՀԱՄԱ-Հ.Ս.Բ.Ս.ԱԿԱՆ ՑՐԻ ԸՆԴՀԱՆՈՒՐ ԲԱՆԱԿՈՒՄ
31 ՅՈՒՆԻՍ - 9 ՕԳՈՍՏՈՍ 2006





ԹԻՒՆԻՆ ՆԻՒՄՆԵՐԸ

MARZIG SPORTS MAGAZIN EDITED MONTHLY BY HOMENETMEN
 مارزیک مجله ریاضية شهريّة تصدرها جمعية الهوسنم الرياضی



Հ.Մ.Ը.Մ. ԱԿԱՆ ԿԵՆՆԸ

- Խմբագրական 2
- Յուշեր 3
- Նոր Հրատարակութիւններ 8
- Դաստիարակչական 9
- Պատմութեան Համար 10
- Մասնաճիւղէ Մասնաճիւղ 12
- Մեր Կորուստները 34



ԲԱԺԻՆՆԵՐ

- Մանկապատանեկան 38
- Տարբեր Հայեացքով 40

Մարզական ամսաթերթ
 Հրատարակութիւն՝ Հ.Մ.Ը.Մ.ի
 ԿԵԴՐՈՆԱԿԱՆ ՎԱՐՉՈՒԹԵԱՆ
 ԻԵ. ՏԱՐԻ, 2006, ԹԻԻ 3-4 (285-286)

ԽՄԲԱԳԻՐ
 Վիգէն Ասագեան

ԽՄԲԱԳՐՈՒԹԵԱՆ ԱՆԿԱՄ
 Սեդա Պէշեան

«ՄԱՐԶԻԿ»-Ի ՅԱՆՁՆԱԽՈՒՄԲ
 Արօ Մոսիկեան
 Գօգօ Մկրտիչեան

ԳՐՈՒԹԻՒՆՆԵՐ ՈՒՆԻՆ
 Տոքթ. Միսաք Արզումանեան,
 Սամուէլ Մկրտիչեան, Պետրոս
 Շենմեսեան, Պետիկ Լոճիկեան,
 Կարօ Յ. Արսլանեան, Կարպիս
 Գուրումեան, Սայրի Լատոյեան
 և շրջաններու թղթակիցներ:

Էջադրում - Չարեհ Չէօրէքճեան
 Գրաշարութիւն - Վերա Բարսեղեան
 Colour Separation - Photogravure Paklayan
 Կողքի Ձեւաւորում Տպագրութիւն



ԽՄԲԱԳՐՈՒԹԵԱՆ ՀԱՍՅԷ
 Պուրճ Համուտ, Ճինիշեանի Թաղ
 «Սեւան» Շէնք, Գ. Յարկ
 Հեռ: 01/248043, Fax: 01/260117
 E-mail: marzig@homenetmen.org
 P.O. Box: 80486 B. Hammoud, Lebanon

ՅՐԻՈՒՄ

Լիբանանի մէջ թերթին
 հատավաճառի սակն է 3000 լ.ն.:
 Տարեկան բաժանորդագրութեան
 սակ ճշդուած է 35000 լ.ն.:
 Լիբանանէն դուրս թերթին
 բաժանորդագրութիւնը
 կը կատարեն Հ.Մ.Ը.Մ.ի Մեկուսի
 և Շրջանային Վարչութիւնները:
 Թերթը ուղղակի Լիբանանէն
 կը ստացուի անձնական
 բաժանորդագրութեամբ
 (Տարեկան սակ՝ Միջին Արեւելեան
 և Եւրոպական երկիրներ \$50,
 Ամերիկա և Աւստրալիա՝ \$55):



Հ Ա Մ Ե Կ Ո Տ Ո Ւ Թ Ի Ի Ն

Վ Ա Մ Ե Կ Ո Տ Ո Ւ Թ Ի Ի Ն

Վախկնու մարդը վանողական է: Կասկածամիտ մարդը համակրելի չէ: Վախկնու ու վառանու մարդոց գործ չի վստահուիր:

Վախկնու մարդը չի կրնար կեանքին մէջ յաջողութիւն յուսալ: Ով որ իր մէջ հաւատք չունի, համարձակութիւնն ու վճռակամութիւնը կը պակսի իրեն, եւ միշտ հաւաստիք ու յաջողութիւն կը փնտռէ իր ձեռնարկներուն յաջողութեան համար, կը ձախողի:

Բնական օրէնք է աշխարհի մէջ, որ մարդիկ կը հաւատան ու կը վստահին անոնց, որոնք ինքնավստահ են, բան մը ընելու եւ յաջողցնելու քաջութիւնը ունին:

Քաջութիւնը, արդարեւ, առաքինութիւն է: Քաջութիւն պէտք է սեփական կարծիքներ ունենալու եւ վստուք արտայայտելու համար: Քաջութիւն պէտք է համբերելու եւ յարատեւելու համար:

Քաջութիւն պէտք է հաւատարիմ ըլլալու եւ մնալու համար:

Միութենականի կոչումը արժեցնելու, անոր իտէպլն ու նպատակը իրագործելու համար, նկարագրի ու բարոյականի մեծութեան կողքին՝ քաջութիւն պէտք է:

Հետեւաբար, մեծ իտէպլներու եւ կարեւոր որոշումներու հետապնդման պարագային, ուր վճռակամութիւն եւ քաջութիւն պէտք է, երկդիմի եւ վախկնու նկարագիրով մարդիկ տեղ չունին: Անոնց տեղ պարտին գրաւել վճռակամ ու համարձակ մարդիկ, որ պէսպի քառու չստեղծուի եւ ժողովուրդներ կամ հաւաքականութիւններ անել կացութիւններու չմատնուին:

Թուլութիւնը եւ վախկնտութիւնը յաջողութեան ճամբուն արգելքներ են, զորս պէտք է յաղթահարել: Յաջողութեան հասնելու համար նախապայման է, ինչպէս քաջութիւնը, նաեւ՝ յանդգնութիւնը: «Յանդգնութիւն, առաւել յանդգնութիւն, միշտ յանդրգնութիւն», պիտի ըսէր Տանթոն: Յանդրգնութիւն ամէն տեղ, ամէն ատեն,

ամէն առիթի:

Ան որ իր նպատակներուն մէջ յաջողելու համար յարմար եւ ապահով պայմաններ կը սպասէ եւ չի յանդգնիր նետուի՛լ, նախաձեռնե՛լ, հապուադէպօրէն կը յաջողի:

Յաջողութեան մեծագոյն թշնամին վախկնտութիւնն է, որ յաճախ կը վերածուի հիւանդութեան:

Վախկնու անձերն ու հաւաքականութիւնները միշտ կը կասկածին իրենց ուժին վրայ եւ կը վարանին ճակատագրական պահերու վճռական որոշումներ տալու եւ գործադրելու:

Վախն է, որ տրամաբանութեան եւ ձեռներեցութեան արգելք կը հանդիսանայ, մարդոց մտքի պայծառութիւնը կը մթագնէ եւ վստուք աշխատանքէ կը դադրեցնէ: Մարդիկ եթէ կարողանան վախի ապդեցութենէ ձեռքազատիլ եւ ինքնամփոփուիլ, այն ատեն անոնց միտքը կ'աշխատի եւ որեւէ ձեռով ճամբայ մը կը գտնեն դժուարութիւններէ դուրս գալու համար:

Վախը մարդը ստրուկը կը դարձնէ ուրիշներու: Ինքնավստահութեան պակասէ՛ յառաջ կու գայ վախը: Անոր կը յաջորդեն ձախողութիւնն ու ստրկութիւնը:

Կասկածն ու վախը նկարագրի տկարութիւն են:

Ի վրայ չէ ըսուած, թէ մարդուն մեծագոյն թշնամին կասկածամտութիւնն է: Ինքզինք միշտ թշնամիներով շրջապատուած վզալը վախ կը պատճառէ, կը ջլատէ մարդը եւ անոր յաջողութեան ու երջանկութեան արգելք կը հանդիսանայ:

Ճիշդը, ակնկալուածը հակառակն է: Սեփական կարողութեան եւ ուժին գիտակցութիւնը ունենալն է, անոր վրատահիլն է: Կարեւոր է չընկրկիլ դժուարութիւններէ եւ ձախողութիւններէ, այլ՝ տեւաբար նախաձեռնել, ասպարէզ նետուիլ, փորձել, եւ յաջողութիւնը անպայման կը գտնէ մեզ:

ՊՈՒՐՆ ՀԱՄՈՒՏԵԱՆ ՅՈՒՇԵՐ (Բ. մաս)

Տոբո. Միսաք Արզումանեան
ՍԱՆ ԽՈՍԷ



Խմբանկար՝ Պուրն Համուտի քաղաքապետարանին մէջ:
Ջախէն աջ՝ եղբայրներ Արշակունի Ռաֆայէլեան, Ջաքար Չորպանեան,
Պետրոս Վէքիլեան, Յակոբ Աշնեան (Պուրն Համուտի քաղաքապետարանի
մարզադաշտի եւ շինարարական այլ իրագործումներու աւարտին՝
պետական շքանշանով մը պարգևատրուած), Ժագ Ալահայտոյեան,
Միսաք Արզումանեան եւ Յակոբ Մինասեան:

Մինչեւ օրս կը զգամ հայկա-
կան բանաստեղծութեան
ասպետներ Դ. Վարուժա-
նի, Սիւմանթոյի, Վ. Թէ-
քէեանի, Մ. Մեծարեւոյցի,
ինչպէս նաեւ Չարենցի, Յովհաննէս Շի-
րազի, Սիլվա Կապուտիկեանի եւ հայրե-
նի աստեղախումբին միւս մեծութիւն-
ներուն հատընտիրները կարդալով ու
մանաւանդ արտասանելով՝ մէջս արթըն-
ցած բազմաբնոյթ հրայրքները:

Մտքի եւ գաղափարի տիտաններուն
գոհար ստեղծագործութիւններուն ընդ-
մէջէն ինծի փոխանցուած հայրենասի-
րութեան, հայ լեզուն չմոռնալու, հա-
յուն յաւերժութեան հաւատքով ապրե-
լու, հայկական եկեղեցիին թիկունք
կանգնելու, եւ Լուսաւորչի Աստղին
տակ հիւզ մը ունենալու տեսիլքով ապ-
րելու պատգամներուն ոգեթափանց նե-
րուժը:

Խոստովանիմ, որ ընտանեկան եւ
Հ.Մ.Ը.Մ.ական մթնոլորտին մէջ կարե-
լի չափով կազմաւորուած նկարագիրս,
գրականասիրութեանս ալ ներգործու-
թեամբ, ստացաւ գաղափարական ամ-
բողութիւն, վաւերականութիւն:

ԼՕԽԻ ԱՆՆԱՅԵՆԹԱՅ ՄԵՎ ՉԵՆՆԱՐԿԸ «ՌԻՎՈՒԻ»Ի ՄԵՉ

Հոգեմտաւոր ճախրանքներու ժա-

մանակաշրջան կ'ապրէի այդ օրերուն,
երբ անակնկալօրէն առնչակից ու մաս-
նակից դարձայ աննախընթաց ձեռնար-
կի մը, կազմակերպութեամբ ԼՕՄԻ
Շրջանային Վարչութեան: Ձեռնարկը
տեղի ունեցաւ Պէյրութի կեդրոնական
հրապարակին բացուող, այդ օրերուն
նորակերտ՝ «Մինչ Ռիվոլի»ի ընդարձակ
սրահին մէջ:

Հանդիսութեան նախագահեց Կարօ
Սասունին, իսկ բանախօսեց՝ Ազգային
Աբգարեան վարժարանի տնօրէն Անդ-
րանիկ Ծառուկեանը:

Օրուան զեղարուեստական յայտա-
գիրին մաս կազմեց Սիւմանթոյի «Գիւ-
տին փառքը» հիւսող «Սուրբ Մեսրոպ»ի
խմբային արտասանութեան բեմադրու-
մը, մասնակցութեամբ պէյրութահայ
գաղութի զանազան վարժարաններէն
խմբուած, երեսնեակ մը ասմունքասէր
ուսանող-ուսանողուհիներու, ուսուցիչ-
ուսուցչուհիներու:

Յայտնեմ, որ հանդիսութեան հա-

մար նախատեսուած թուականէն քանի
մը շաբաթ առաջ, Անդրանիկ Ծառուկ-
եանէն ստացուած հրաւերի մը ընդա-
ռաջելով, հանդիպեցայ իրեն, խօսեցաւ
ինծի վերոյիշեալ ձեռնարկի արտասա-
նական բաժինին մասին, ու առաջարկեց
որ մասնակցիմ անոր, եւ ստանձնեմ,
խումբէն անջատ ներկայութեամբ, յա-
ճախակի մենակատարումներով՝ մեր
ազգային տոկոսնութեան ժայռանման
պատուանդան յօրինած եւ ընդհանուր
երոյթին տիրող՝ Մեսրոպ Մաշտոցի կեդ-
րոնական դերը:

Բնական է մեծ հաճոյքով ընդունեցի
ընծայուած պատիւը, եւ ուզեցի գիտ-
նալ, թէ բեմադրական փորձերը ո՞ր եւ
ե՞րբ տեղի պիտի ունենան: Առնելով
պատասխանները, խնդրեցի արտասա-
նակից երկին ինծի (Մեսրոպին) վերաբե-
րող բաժինները համադրող արտագրու-
թիւն մը ունենալ, վստահուած դերը իւ-
րացնելու աշխատանքը սկսելու պատ-
րաստականութեամբ:

Հետագայ օրերը անցուցի հասկնալի հեղքով մը, առօրեայ կեանքի իրականութիւններէն չափով մը վերացած վիճակով:

Ու եկաւ օրը: Յաջողութեամբ պսակ-ւեցաւ շքեղ հանդէսը: Այնպէս որ ժամանակ մը խօսակցութեանց նիւթն էր մշակութասէրներու, դպրոցականներու եւ ձեռնարկին ներկայ գտնուողներու շրջանակներէն ներս:

Պատահեցաւ նոյնիսկ, որ ընկերներու, բարեկամներու հետ ունեցած պատահական հանդիպումներուս, «Մեսրոպ, հայ դարերու դիմաց կեցող, դուն ադամանդեայ ապառաժ» ողջունական բարեւաձեւով մը դիմաւորուիմ (ականջը խօսի Վարուժան Խըտչեանին), եւ հետզհետէ Անդրանիկ Մառուկեանին հանդէպ տածած յարգանքս ուռճանայ (քանի «Մեսրոպանալուս» դուռը իրմով բացուած էր) եւ վերածուի բարեկամութեան:

Այնպէս զգացի, որ այդ օրը ինծի համար պիտի արժեկորուէր իբրեւ ամուսնոյի կարճատեւ «ասպարէզիս» բարձրակէտը, եւ նոյն ատեն նախանշանը՝ չափահաս տարիքիս բացայայտուած հոգեթով «սիրոյ» մը շիջումին, ու անոր տեղ նորի մը յայտնութեան, անուամբն ու գորացման:

Ահա թէ ինչո՞ւ եւ ի՞նչպէս:

Վերոգրեալ տողերուս մէջ անդրադարձած եմ 1940ական թուականներուն Քարանթինայի հրկիզումէն ետք Պուրճ



«Վարդանանք»ի սիրողական բեմադրութենէն տեսարան մը: Աջին՝ Վարդանի դերով եղբ. Միսաք Արզումանեան:

Համուտ փոխադրուած եւ հայաւան կառուցած հայ ժողովուրդի նպատակաձիգ աշխատանքներուն, դաժան պայմաններու մէջ, եկեղեցական, դպրոցական, բարեսիրական, երիտասարդական կառույցներու իրականացումով գոյամարտի պատուանդան ընդունուած անհրճելի ճշմարտութեան:

Այսօր արդար կը տեսնեմ աւելցնել նաեւ, որ խանդալից այդ ժամանակաշրջանին, ընդգծելի եւ դրական երեւոյթ եղաւ Պուրճ Համուտի մէջ բազմաթիւ

թատերախումբերու հրապարակ գալը: Իւրաքանչիւր թաղ օժտուեցաւ սիրողական մակարդակով գործող թատերախումբով մը, որ մէկ կողմէ օգտակար հանդիսացաւ երիտասարդութեան, իբրեւ հաճելի, դաստիարակիչ, ազգային-մշակութային հաւաքատեղի, իսկ միւս կողմէ նիւթապէս օժանդակեց թաղային կառույցներու, հասութեաբեր ձեռնարկներով ձեռք բերուած գումարները նուիրաբերելով թաղային ընդհանրական կարիքներու:

Կազմուեցան «Շիրվանգատէ», «Պարոնեան», «Մամուլեան» անուններով մկրտուած դերասանախումբեր:

Թատրոնի սէրս մղեց զիս մաս կազմելու վերջինին, իբրեւ մեր թաղի խումբը, եւ ուրախութեամբ ծանօթացայ սիրողներու, որոնց հետ ընկերական միջնորդութեամբ ձեռնտու եղաւ, որ լրիւ գործակցինք եւ ընդհանրական գործի մը մասնակցողի հոգեբանութեամբ, եւ առանց աշխատանքի մը բնոյթը նկատի ունենալու (օր մը կազմակերպական գործառնութիւն, օր մը որոշ դերի յարմարութիւն ունեցող թեկնածուի մը մարդորսութիւն, օր մը յուշարարութիւն, երբեմն ալ դեր ստանձնելով եւ բեմ բարձրանալով) յաջողութեամբ պսակենք բեմադրական հաւաքական գործը:



Աջին՝ «Մեսրոպ Մաշտոց»ի դերով եղբ. Միսաք Արզումանեան:

Կը յիշեմ, որ սիրողական մականդակի ներկայացուցիչնք «Անմահ բոց»ը, «Վարդանանք»ը, «Մեծապատիւ մուրացկաններ»ը, «Պաղտասար աղբար»ը, «Շղթայուած»ը եւ այլ թատերախաղեր:

«Մերոպ Մաշտոց»ի ասմունքային ձեռնարկէն ժամանակ մը վերջ, երբ «Կեանքի նաւակը» զիս կը տարուբերէր գեղարուեստական արտայայտութեան եւ թատերական ոլորտներու միջեւ, անսպասելիօրէն մեզի այցելեց «Գասպար Իփէկեան» թատերախումբի հիմնական անդամներէն, դերասանուհի Զարուհի Պաթալեան: Ծանօթներ էինք, բայց առաջին անգամն էր որ հիւր կ'ըլլար մեզի:

Յայտնեց, որ այդ օր, լրաբերի «դեր» կը խաղար: Ղրկուած է դերուստոյց, դերասան ու խմբավար, արդէն լայնախարիս հռչակի տէր բեմադրիչ՝ Ժորժ Սարգիսեանին կողմէ, որ Լեւոն Շանթի (անձանօթ մնացած) «Շղթայուած»ը թատերախաղը առաջին անգամ բեմ հանելու դժուարին աշխատանքին սկսած

է: Աւելցնելով, որ բազմամարդ մասնակցութիւն պահանջող (մօտ 80 հոգիներ) այդ գործին մէջ, «Մարգպետ»ի դերը կ'ուզէ վստահիլ ամբոխ խանդավառելու պերճախօսութիւն եւ ասմունքի փորձառութիւն ունեցող մէկու մը:

Զիս նկատած է ԼՕԽի ձեռնարկին օրը եւ կը խորհի, որ այդ օր «Ս. Մերոպ»ը մարմնաւորած Միսաք Արզու մանեանը կրնայ ստանձնել այդ դերը, աւելցնելով որ ինծի կապուելու համար հաղորդակցութեան միջոց չունենալուն, եկած է անձնապէս զիս հրաւիրելու թատերասէրներու կեդրոն, ծանօթացման հանդիպում մը ունենալու յարգելի բեմադրիչին հետ:

Դիւրին ժամադրուեցանք, որովհետեւ առաջարկը հրապուրիչ էր: Հանդիպումը տեղի ունեցաւ խումբին փորձերուն յատկացուած գիշեր մը, Ս. Նշան եկեղեցու կից՝ «Գասպար Իփէկեան» կեդրոնին մէջ:

Հաւատքի մը ընծայուած՝ խորհրդաւոր վարդապետանոց մը մտնողի զգա-

ցումներով, թատերախումբին վայելած հռչակին ու վարկին համապատասխան երկիւղածութեամբ մը, մտայ թատերական հանրահռչակ ընծայարանէն ներս:

Առաջնորդուեցայ Ժորժ Սարգիսեանի դրասենեակը եւ քառորդ ժամ մը, քննական դիտաւորութեամբ ինծի ուղղուած լուսաբանական հարցումներուն պատասխանելէս ետք, «Շղթայուած»ի մասին որոշ ծանօթութիւններ փոխանցեց, եւ դերիս մէկ արտագրութիւնը յանձնելով ինծի, տեղեկացուց փորձի օրերն ու ժամերը:

Տեսակցութիւնը երկարելու տրամադրութիւնը չունենալով, երկուստէք բաւարարուած տրամադրութիւններով վերջ տուինք եզակի այդ տեսակցութեան:

Չեմ յիշեր որքան ժամանակ յատկացուցի փորձերուն:

(Շար. ք՝ էջ 40)

We Can Light Up A City

G. AYANIAN & SONS

Electricity
Pumps
Lighting
Air Conditioning
Video Phone

— G. AYANIAN & SONS —
BEIRUT

Dora: 01-255 222/3/4/5/6 Gemmayze: 01-447 000 - 447 940 Mobile: 03-627 728/9
Fax: 01-265 187 - 582 357 E-mail: gasons@dm.net.lb www.ayanian.com

ՀԱԼԷՊԻ ՈԳԻՆ ՀԱՅ ՄԱՐԴԻ ՈՐԵՒԷ ՏԵՂ ՉՈՒՆԵՑԱԻ



Սամուէլ Մկրտիչեան
ԼՈՍ ԱՆՃԵԼԸՍ

Առանձին նսած կը խոկայի կեանքին վրայ, երբ ծանօթ ձայն մը կանչեց.

Եղբայր Սամուէլ, բարեւ, ի՞նչպէս ես, ի՞նչ կը խոկաս:

Խաչոն էր՝ մեր ֆուլթայոլի խումբին պատասխանատուն, ջերմիկ, գործունեայ մարդ մը: Պատասխանեցի.

Եղբայր, բարեւիդ հազար բարեւ, դուն ի՞նչպէս ես, ո՞ր հովերը քեզ քշեցին բերին հոս:

Եղբայր, հովերը չբերին՝ ֆուլթայոլը բերաւ, Հ.Մ.Ը.Մ-ի ֆուլթայոլը, հաճելի օր մըն է: Ըսի՝ երթամ Սամուէլը առնեմ եւ միասին երթանք մեր ֆուլթայոլի խումբին տղաքը տեսնենք, վաղը խաղ ունինք...

Լուռ մնացի, չլսել տարով: Բայց Խաչոն կրկնեց.

Եղբայր ե՛լ, ի՞նչ կը տընտընաս: Շահդ քիչ մըն ալ պակաս թող ըլլայ: Բայց, դուն հոգի մի ընէր, պակասձին տեղ Աստուած կու տայ:

Խաչոն ֆուլթայոլի խննթ մըն էր: Բայց, ես ալ նուազ խննթ չէի: Թէեւ այդ օրերուն, Հայկալի մէջ մեզի պէս խննթեր չատ էին: Հարցուցի՝

Խաչօ, արդեօք պէտք կա՞յ տղաքը տեսնել: Երբ բոլորն ալ լուր ունին, ալ ինչ տեսնենք...

Այս հարցումիս վրայ



Խաչոյին պատասխանը եղաւ անմիջական ու քիչ մըն ալ վճռական:

Մարդ Աստուծոյ, գիտեմ որ բոլորն ալ ժողովի եկած էին ու բոլորն ալ լուր ունին, բայց չէ՞ս կարծեր, որ ես ալ իբրեւ պատասխանատու, պարտականութիւն ունիմ հետաքրքրուելու, տղոց որպիսութիւնը գիտնալու եւ քիչ մըն ալ եռանդ տալու իրենց: Պահ մը կեցաւ, գաւաթ մը ջուր խմեց ու նորէն շարունակեց.- եղբայր Սամուէլ, այստեղէն կ'իջնենք Պապ էլ Ֆարաթ, ճամբուն վրայ քանի մը հոգի կը տեսնենք, կ'անցնինք Պրաթան Քլէպ. քանի մը հատին ալ հոն կը հանդիպինք, եթէ անօթեցանք՝ մեր քիլիսցի բարեկամին քով քեպապ մը կ'ուտենք: Իսկ վերադարձին, Հոգետան քով քանի մը բառ կը խօսիմ Առաքելեանին հետ ու մեր ճամբուն վրայ՝ Տիգրանը առնելով, Սալլամին քովէն կ'անցնինք Նոր Գիւղ՝ մեր տուները:

Առանց առարկելու հետեւեցայ Խաչոյին: Ան ուրախ էր իր առաքելութեան համար, Բայց Պապ էլ Ֆարաթի հայ լուսնայափոխներուն չհասած, յանկարծ տեսայ եղբայր Լուտեր Մա-

պանաճեանը՝ Հ.Մ.Ը.Մ-ի պատասխանատուներէն մէկը, որ կեցած էր մայթին վրայ առանձին, նայուածքը մեզի ուղղած: Պարզ էր, որ մեր մօտենալը կը սպասէր: Վերջապէս ձեռքով նշան ըրաւ որ քովը երթամ: Ես շատ կը յարգէի եղբայր Լուտերը: Ուրախ տրամադրութեամբ աւցուն գացի քովը ու ըսի.

Բարեւ եղբայր Լուտեր, հրամանք մը ունի՞ք:

Բարեւիդ հազար արեւ,-

եղաւ պատասխանը՝ մտերմիկ, հաճելի, բայց դէմքը խոհուն էր ու կարծես լեզուին տակ բան մը կար ըսելու, եւ իրապէս ալ ան պահ մը մտածելէ ետք շարունակեց.

Եղբայր Սամուէլ, զիս լաւ մտիկ ըրէ՛, քեզի կարեւոր ըսելիք մը ունիմ: Անանկակալի չգաս ու նաեւ չնեղուիս: Ուստի, այսօրուընէ սկսեալ քեզի համար արգիլուած է *Խաչոյին* հետ ընկեր ըլլալ, *Խաչոյին* հետ պտտիլ: Գիտեմ՝ խօսքս ծանր է, բայց, ինչպէս ըսի՝ չնեղուիս: Իսկ հիմա գնա՛ եւ *Խաչոյին* ըսէ, որ թող քեզ չսպասէ: Իսկ վերադարձիդ՝ քեզի կը բացատրեմ թէ ինչու այս հրահանգը:

Խաչոյին եւ մեր միջեւ միայն տասնեակ մը քայլի հեռաւորութիւն կար: Բայց այդ կարճ հեռաւորութիւնը կտրելու համար բաւական խոկացի ու բաւական ժամանակ դրի, որովհետեւ շատ զգացուած էի եղբայր *Լուտերին* ըսածէն: Թէեւ ան վերադարձիդ կը բացատրեմ ըսաւ, բայց ես չկրցայ այդքան համբերել եւ սկսայ մտածել, թէ ես յանցանք մը չեմ գործած, մեղք մը չունիմ, ալ ինչո՞ւ այս արգելքը: Նաեւ, թէեւ *Խաչոն* ինձմէ 3 տարի մեծ էր, բայց ան ազնիւ, ընկերասէր մէկն էր եւ ես գէշ բան մը չեմ տեսած *Խաչոյին* քով: Մինչ եղբայր *Լուտեր* կը հրահանգէր որ այսօր իսկ վերջ տամ *Խաչոյին* հետ ընկեր ըլլալէ: Ծանր էր որոշումը: Մէկ օրէն միւսը ես ի՞նչպէս վերջ տայի մեր ընկերութեան, մանաւանդ երբ միասին ֆոթօպոլ կը խաղայինք, միասին արհեստակից էինք, իսկ երբ ես այս միտքերով տարուած էի, անդին *Խաչոն* զիս կը սպասէր: Ու երբ հասայ քովը, հարցուց՝



-Սամուէլ, ի՞նչ ունիս, ինչո՞ւ գլուխդ կախ կը մտածես: Հագիւ կրցայ պատասխանել.

Խաչօ, բան մը չունիմ, պարզապէս եկած եմ ըսելու, թէ ես եղբայր *Լուտերին* հետ գործ ունիմ, ուստի պիտի չչկարենամ ընկերանալ քեզի:

Ես կը կարծէի, որ այս խօսքերով արդէն յաղթահարած կ'ըլլամ չյարաբերելու առաջին փուլը: Բայց այդպէս չեղաւ: Քանի *Խաչոն* քմծիծաղ մը չըթնեղուն, դիտեց զիս սանկ մէկուն պէս, որ արդէն գիտէ ամէն բան: Եւ վստահաբար զիս չնեղացնելու միտումով «լա՛ւ» ըսաւ ու քալեց: Բայց չեմ գիտեր ինչո՞ւ *Խաչոյին* այդ «լա՛ւ» խօսքը աւելի ծանրացուց հոգիիս բեռը: Ես հոգեկան ծանր մտահոգութեամբ վերադարձայ եղբայր *Լուտերին* քով:

Կեսանքը տարօրինակութիւններով լեցուն է: Քանի, երբեմն պարզ խօսք մը կ'ուրախացնէ մեր հոգին: Բայց երբեմն ալ, այդ նոյն պարզ խօսքը քիչ մը տարբեր հնչումով ըսուած, կ'աւելցնէ հոգիիդ բեռը, ինչու, մի հարցնէք ինձի:

Այս էր հոգեկիճակս, երբ հոս ալ նոյն հարցումները լսեցի: Եղբայր Սամուէլ, ի՞նչ եղաւ, դէմքդ ինչո՞ւ այդքան ծուռ է: Զըլլայ որ *Խաչոն* նեղացուց քեզ:

Խաչոն նեղացուց զիս թէ չնեղացուց՝ չեմ գիտեր: Գիտա-

ցածս այն էր, որ տրամադրութիւնս տեղը չէր ու ես հագիւ կրցայ «ոչ» մը արտայայտել: Մինչ եղբայր *Լուտեր* պահ մը կեցաւ, մտածեց, ձեռքը բարեկամօրէն դրաւ ուսիս ու շարունակեց.-

Եղբայր Սամուէլ, մի նեղուիր, ես շատ ուրախ եմ, որ չմերժեցիր զիս: Թէեւ ես գիտէի որ պիտի չմերժես: Այս քանի մը տարի է, որ ես լաւ ճանչցայ հոգիդ: Թէեւ ըմբոստ ես, բայց մաքուր, կարգապահ: Նաեւ ես վստահ եմ, որ դուն արդէն գիտես, որ Հ.Մ.Ը.Մ.ական մարդը պէտք է ըլլայ հնազանդ, կարգապահ եւ մաքուր նկարագրի տէր մարդ, որովհետեւ Հ.Մ.Ը.Մ.ի նպատակը՝ գիտակից, պարկեշտ, ազնիւ ու ազգային նպատակներով թրծուած հայ մարդ պատրաստելն է:

Եղբայր Սամուէլ, զիս սխալ չհասկնաս, ես *Խաչոն* ալ կը սիրեմ: Ան յարգալիւր, մարդամօտ ու ընկերասէր մէկն է:

Խաչոն, իր ֆիզիքական ուժին կարողութիւններով կրնայ պատիւ բերել հայրութեան: Բայց դժբախտաբար ան սկսած է խմել, ծխել, քապարէ երթալ, ճամբէն շեղիլ: Քանի մը անգամ խօսեցայ, խրատեցի զինք ու խնդրեցի, որ հեռու մնայ այդ մոլութիւններէն, որոնք կրնան զինք բարոյական անկումի տանիլ, թէեւ «այո» ըսաւ, բայց գիտցածէն ետ չմնաց: Բայց հիմա, ես քեզմով մտահոգ եմ: Քանի *Խաչոյին* հետ ընկերանալով ճիշդ չեմ տեսներ, որովհետեւ *Խաչոն* հեղինակութիւն է՝ իր խօսքը կշիռ ունի եւ ան կրնայ քեզ շեղել մաքուր ճամբէդ: Մինչ եթէ ես վստահ ըլլայի, որ դուն, *աչոյին* ընկերանալով պիտի կարենաս զինք շեղեցնել իր ներկայի կենցաղէն, քեզի պիտի ըսէ՛ ընկերացիր *Խաչոյին*, բայց ես այդ վստահութիւնը չունիմ եւ շատ հաւանական կը գտնեմ, որ դուն կրնաս իյնալ իր ճամբուն մէջ, որովհետեւ դուն պիտի չկարենաս մերժել *Խաչոյին* հրահանգները եւ իրեն հետ օր մը հոս, օր մը հոն երթալով ինքնաբերաբար պիտի իյնաս անոր մոլութիւններուն մէջ: Այսօր մեզի համար *Խաչոն* կորսնցնելը շատ հաւանական է: Բայց երբեք չենք կրնար հաշտուիլ քեզ կորսնցնելու գաղափարին հետ: Դուն պէտք ես Հ.Մ.Ը.Մ.ին:

Եզրակացուց.
Այո՛, քեզի համար արգիլուած է *Խաչոյին* ընկերանալ...
Քանի մը օր քալեցի առանձին, տխուր...
Բայց...
Աստուած հոգին լուսաւորէ Նշան Թիւլսիւզեանին, Լուտեր Մասպանաճեանին, Հրաչ Փափագեանին, տոքթ. Ատուր Գապաքեանին եւ բոլոր անոնց, որոնք նուիրուեցան Հ.Մ.Ը.Մ.ի հայակերտումի, մարդակերտումի սրբազան բազինին, որովհետեւ,

Հ.Մ.Ը.Մ.ի Հայկալի սրբազան օճախին սէրն ու ջերմութիւնը, հաւատամքն ու կազմակերպչական ոգին հայ մարդը որեւէ տեղ չունեցաւ:

«ՅՈՒՇԱՄԱՏԵԱՆ ԱՐԱՐԱՏ ՔՐԻՍՏԵԱՆ ՄԱՀՈՒԱՆ 40-ԱՄԵԱԿ»

Վրէժ Արմէն
ՄՈՆԹՐԷԱԼ

Ահա աշխատասիրուծիւն մը, որ սիրոյ գործ մըն է, որդիական սիրոյ՝ հանդէպ արժանաւոր հօր մը, որ իր անժխտելի բարերար ազդեցութիւնը ունեցած է եգիպտահայ զաղուծի իրերայաջորդ նոր սերունդներու դաստիարակութեան մէջ:

Արդարեւ, իր մահէն 40 եւ աւելի տարիներ ետք, Գահիրէի Գալուստեան եւ Նուպարեան Ազգային վարժարաններու նախկին աշակերտները տակաւին երախտագիտութեամբ կը վերջիչեն մարմնամարզի իրենց ուսուցիչը՝ «պարոն Քրիստեան»ը, որուն կափկափիչի կանոնաւոր կշռոյթին տակ անցուցած են շաբաթական երկու պահ, մարզանքի դասերը, վարժարաններու բակին մէջ, մասնակցած են ակթիվիզմի ներ-դպրոցական ու միջ-դպրոցական մրցումներու, եւ հպարտօրէն մաս կազմած են տարեկան մարզահանդէսներու:

Այդ ամբողջը կը վերջիչ ընթերցողը՝ թղթատելով այս հատորը, որ միաժամանակ լալպոմ մըն է աւելի քան 200 նկարներով, ու պատրաստուած է ճաշակով ու բծախնդիր մօտեցումով:

Յուշամատենը կը բաղկանայ հետեւեալ բաժիններէն.-

- Կենսագրական գիծեր.
- Մարդը.
- Իր ժամանակները.
- Իր բազմատեսակ ներդրումը, իր բազմակողմանի գործը.
- Իր մօտեցումի սկզբունքները ու արժանիքները.
- Արտայայտութիւններ գնահատանքի, հիացումի, սիրոյ.
- Իր միտքերը ու սկզբունքները.
- Սերունդները.
- Անուանացանկ (անուններ նկարներու մէջ).

Բաժիններու այս թուումը միայն (երանի բովանդակութեան էջ մը յատկացուած ըլլար) ցոյց կու տայ այն հոգածու եւ ճգնաջան աշխատանքը, զոր Շաւարշ Քրիստեան տարած է՝ ի մի բերելու համար բոլոր նիւթերը՝ նկարներ, նամակներ (ստացուած ու առաքուած), յօդուածներ եւ այլն:

Նշենք այստեղ, որ Արարատ Քրիստեան, ծնած 1897ին, Պոլիս, եղբորորդին էր հայ մարզական ու մարմնակրթական շարժման մեծ ռահվիրայ՝ Շաւարշ Քրիստեանին, կը պաշտօնա-



վարէ տեղւոյն հայկական վարժարաններուն մէջ իբրեւ մարմնակրթանքի ուսուցիչ, կը դառնայ այդ օրերուն նոր հիմնուած Հ.Մ.Ը.Մ.ի Պոլսոյ Կեդրոնական Վարչութեան անդամ, ապա 1922ին կը մեկնի Պերլին, ուր գերմանական ուսումնական բարձագոյն հաստատութիւններուն մէջ ձեռք կը ձգէ զոյգ մասնագիտութիւններ՝ մարմնակրթանքի եւ Ֆիզիոլոգիայի մասին, զոր նաեւ կը դասաւանդէ այնտեղ՝ նախքան վերջնականապէս Եգիպտոս հաստատուիլը, 1923ին, նախ իբրեւ Գալուստեան ազգային վարժարանի, ապա նաեւ՝ Նուպարեանի եւ այլ վարժարաններու մարմնակրթանքի ուսուցիչ. պաշտօն մը, զոր ան պահեց մինչեւ մահը՝ 1965:

Արարատ Քրիստեանի յիշատակը վառ կը մնայ իր աշակերտներու մտքերուն մէջ: Այս հատորը պիտի նպաստէ, որ զինք ճանչնան նաեւ ուրիշներ, մանաւանդ նոր սերունդները, որոնց նուիրուեցաւ արժանաւոր այս հայուն ամբողջ կեանքը:

Այս հակիրճ անդրադարձը կ'արժէ աւարտել հատորի խմբագիրին «մտքի ու սրտի խօսք»ով.-

«Յստակ է թէ Արարատ Քրիստեանի նպատակը սպորտի համբով մեր պատանի սերունդին մտածելակերպին ու գործելակերպին մէջ բծախնդիր, կարգապահ ու հետեւողական մօտեցումը արմատականացնելն էր, անոր ուժին ու արդիւնքին գործնական ցուցաբերումն էր: Այս Յուշամատենը անոր թէ՛ պատկերալից մատնանշումն է եւ թէ՛ համագային ապագայ գործնական մէջ այդ հասկացողութեան լայն ու հիմնական որդեգրման շատ լուրջ հրաւեր մը: 21րդ դարու համաշխարհայացման (globalization) համակարգի ամենակուլ պայմաններուն մէջ ազգային գոյատեւման մօտեցումներու եւ միջոցներու նոյս այլընտրանքներ գոյութիւն չունին: Հայութեան ու յատկապէս անոր նոր սերունդին մէջ աշխատանքային այդ հասկացողութեան նորօք եւ հիմնական որդեգրումը, մանաւանդ հետեւողական կիրարկումը, հրամայականներ են, որոնց հետահաս կոչը յստակ կարելի է տեսնել, նոյնի սկ լսել Արարատ Քրիստեանի վաստակին ու Շաւարշ Քրիստեանին անոր բերած ու գործով մեզի փոխանցած շուրջ 90 տարուան անցեալ ունեցող ցուցմունքին մէջ»:

Հ.Մ.Ը.Մ.ԱԿԱՆ ՄԱՐԶԻԿԻՆ ՏԱՄՆԱԲԱՆԵԱՆ

- Ե. -



Պետրոս Շեմմեսեան ՊԷՅՐՈՒԹ

«5. Ան կը յարգէ իր պատասխանատուն կամ մարզիչը եւ կ'ենթարկուի անոր բոլոր ցուցմունքներուն՝ առանց ալլելալլի»:

Չկայ կուռ կազմակերպութիւն՝ առանց կարգապահութեան: Թոյլ եւ ժամանակաւոր են այն բոլոր կազմակերպութիւնները, որոնք կարգապահութեան նուազագոյն պահանջները չունին իրենց կառույցներուն մէջ:

Կարգապահութիւնը կը սկսի հնազանդութեամբ, երբ մարզիչը իր պատասխանատուին եւ մարզիչին ցուցմունքներուն կը հետեւի ուշի-ուշով:

Իր մարզիչը կամ պատասխանատուն հոն են իրեն օգնելու, առաջնորդելու համար, որպէսզի ան կարենայ իր դէմ ցցուած դժուարութիւնները յաղթահարել:

Հ.Մ.Ը.Մ.ական սկսուտին «Ով հայ արի» երգին բառերը պատահական ու ձեւական ըսուած բառեր չեն («Հնազանդէ մեծերուդ միշտ, մի պատեաւոր ոչ ոքի վիշտ»): Ի ծնէ, մարդ մ'արդ դառնալու համար, սկսեալ իր ծնողքին հոգատարութենէն մինչեւ դպրոց եւ գործի դաշտ, կ'անցնի իր մեծերուն հնազանդելու անհաշիւ եւ անվերջ ցուցմունքներու երկար շղթայէ մը:

Հ.Մ.Ը.Մ.ական մարզիկն ալ, իր կարգին, սկսեալ Հ.Մ.Ը.Մ.էն ներս իր առաջին քայլէն, մինչեւ իր մարզական կեանքի հասունութիւնը եւ զանազան նուաճումները, կ'անցնի իր պատասխանատուներու, մարզիչներու երկար եւ յոգնեցուցիչ թելադրանքներէն:

Ինչպէս իր ընտանիքին հանդէպ անհնազանդ զաւակէն պէտք չէ սպասել կամ ակնկալել, որ ան ըլլայ ապագային յաջող եւ յարգուած անդամ մը մարզական ընկերութեան մէջ, նոյնպէս պէտք չէ սպասել որ տիպար Հ.Մ.Ը.Մ.

Մ.ական դուրս գայ այն մարզիկներէն, որոնք չեն հետեւիր կամ հնազանդիր իրենց պատասխանատուներուն եւ մարզիչներուն ցուցմունքներուն:

Կեանքի եւ բնութեան օրէնքն է, որ կրտսերին կը պարտադրէ հնազանդիլ իրմէ մեծին, որպէսզի կարենայ գոյատեւել այս աշխարհին մէջ եւ շրջանցնել վտանգաւոր շատ մը հանգրուաններ:

Տարրական այս ճշմարտութիւնը ակներեւ է նոյնիսկ կենդանական աշխարհին մէջ, ուր բացայայտօրէն կրտսերը հնազանդ կերպով կը հետեւի իր ծնողքին թելադրանքին կամ կ'ենթարկուի անոր կանոններուն: Երբ այս է ճշմարտութիւնը նոյնիսկ կենդանական աշխարհին մէջ, ինչո՞ւ ճիշդ եւ առաւել պարտադիր չըլլայ մարդկային ընկերութեան մէջ ընդհանրապէս եւ Հ.Մ.Ը.Մ.ի մէջ մասնաւորապէս:

Հ.Մ.Ը.Մ.ական մարզիկին համար իր պատասխանատուն կամ մարզիչը հոն են պարզապէս իրեն ծառայելու, ձեռքէն բռնելու, գինք միշտ ոտքի պահելու եւ առաջնորդելու համար միութեան գաղափարախօսական ճամբէն:

Հ.Մ.Ը.Մ.ական մարզիկին պատասխանատուները կը վարեն թէ՛ ուսուցիչի, թէ՛ ծնողքի խիստ պատասխանատու եւ սրբազան պարտականութիւնը:

Զօրաւոր եւ խոստմնալից է Հ.Մ.Ը.Մ.ական մարզիկը այնքան՝ որքան ան նախանձախնդիր է հնազանդելու իր պատասխանատուներու եւ մարզիչներու ցուցմունքներուն եւ ենթակայ է անոնց յարմար տեսած կարգադրութեան: Այս վարքագիծով պիտի յառաջդիմէ Հ.Մ.Ը.Մ.ական մարզիկը անտրոտունջ եւ եղբայրական կարգապահութեամբ: Ան քաջ պէտք է

գիտնայ, որ իր պատասխանատուն կամ մարզիչը իրմէ կ'ուզէ մէկ բան, որ ան տիպար մարզիկի իր ճիգին մէջ ըլլայ նաեւ տիպար ու հաւատաւոր միութենական, Հ.Մ.Ը.Մ.ի ընտանիքը հզօրացնող, գալիք սերունդները առաջնորդող տիպար պատասխանատու կամ մարզիչ:



Հ.Մ.Ը.Մ.-Հ.Ա.Ս.Կ.Ի ՉԱՐԵՆՑԱԻԱՆԻ ՄԻԱԻՈՐԸ

Թղթակից ՉԱՐԵՆՑԱԻԱՆ

Հ.Մ.Ը.Մ.-Հ.Ա.Ս.Կ.Ի Չարենցաւանի միաւորը հիմնադրուեց 1990 թ. Նոյեմբերի 28ին: Կայացաւ միաւորի առաջին հիմնադիր ժողովը, որտեղ ձեւաւորուեց առաջին վարչութիւնը հետեւեալ կազմով.-

- Սամոէլ Նալթակեան - ատենապետ.
- Սուսաննա Նալթակեան - ատենադպիր.
- Ժիրայր Գաբրիէլեան - գանձապահ.
- Արթիւր Գոգոյեան - ծրագրերի պատասխանատու.
- Կամօ Աֆեան- խորհրդակալ.

Մասնաճիւղում գործում էին սկաուտական խմբեր: Սկաուտական խմբերում ներգրաւուած էին 50-60 արիներ եւ արենոյշներ:

Խմբապետ եղբայր Ասատուրի աշխատանքների շնորհիւ միաւորի սկաուտները բաւականին արագ իւրացուցին Նորընծայ եւ Բ. կարգի սկաուտական գիտելիքները:

Այսպէս,

1991 թ. Ապրիլի 24ին Չարենցաւանում տեղի ունեցաւ երթ՝ կայարանից մինչեւ խաչքար:

1991 թ. Մայիսի 28ին միաւորում տեղի ունեցաւ առաջին երդման արարողութիւն, որին մասնակցում էին թուով 31 սկաուտ:

Խմբերում գործում էին մօտ 60 սկաուտներ, որոնք ակտիւօրէն մասնակցում էին համահայաստանեան եւ սեփական ուժերով կազմակերպուած բոլոր միջոցառումներին (սկաուտական բանակումներ, արշաւներ):

Միաւորը իր գործունէութեան շրջանակներում ծաւալել է հասարակական աշխոյժ գործունէութիւն:

1993 թ-ին բոլոր դպրոցներում եղել են յատկացուած յատուկ դասարաններ:

1993 թ. Մայիսի 28ին տեղի ունեցաւ առաջին գայլիկական խոստման արարողութիւնը, որին մասնակցում էին թուով 50 գայլիկ:

1994 թ. տեղի ունեցաւ միաւորի առաջին բանակումը՝ Թղիթում: Միաւորի կողմից աշխատանքներ են տարուել Չարենցաւանում՝ պատմամշակութային յուշարձանների պահպանման (տարածքի մաքրում, բարեկարգում) եւ բնապահ-



պանական ծրագրերի (ծառատունկ) իրականացման ուղղութեամբ:

1994 թ-ին Չարենցաւանի սկաուտները մասնակցել են համա-Հ.Մ.Ը.Մ.-ական Ե. բանակումին:

1995 թ-ին մասնակցած միջոցառումներն են.-

Ապրիլի 18- երթ Եռաբլուր, ծառատունկ Չարենցաւանում, որին մասնակցել են 45 սկաուտ, 20 գայլիկ:

Ապրիլի 24- երթ դէպի Ծիծեռնակաբերդ, այնուհետեւ Չարենցաւանի յաղթանակի զբօսայգի, մասնակցել են թուով 40 սկաուտ:

Մայիսի 9- այց Չարենցաւանի պանթէոն, որտեղ զոհուածների յիշատակին դրուել են ծաղիկներ:

Մայիսի 28- Չարենցաւանում տեղի ունեցաւ երդման արարողութիւն, մասնակցում էին 60 սկաուտ:

Յունիսի 11- արշաւ դէպի Գառնի, Գեղարդ:

1996 թ-ի Յունիս 10-17ը տեղի է ունեցել Չարենցաւանի տարեկան բանակում, որին նաեւ մասնակցել են Ջաւախքի եւ Մասիս միաւորի սկաուտները, ընդհանուր թուով 65 սկաուտ:

1997 թ-ի Յունիսի 21-28ը Սեւանում կայացած Սեւանի միաւորի տարեկան բանակումին մասնակցեց նաեւ Չարենցաւանի միաւորը:

Նոյն թիւականին միաւորից թուով 12 հոգի մասնակցեցին Լոռիում կայացած համահայաստանեան բանակումին:

1998 թ-ին միաւորից 2 սկաուտ մասնակցեցին Ա. կարգի սեմինարին:

Նոյն տարին, Ապրիլ 18ին տեղի ունեցաւ արշաւ՝ դէպի էջմիածին, նուիրուած «Հայ Սկաուտի Օր»-ուան:

Յունիսի 12-21ը կայացած համահայկական բանակումին

միաւորից մասնակցեցին թը-
ւով 14 սկառւտ:

Օգոստոս ամսին տեղի ու-
նեցաւ մարզային բանակում,
որին միաւորից մասնակցե-
ցին 35 սկառւտ:

Նոյն ամսին կայացած հա-
մահայաստանեան բանակու-
մին միաւորից մասնակցեցին
5 սկառւտ:

1999 թ. ամրան Սեւանում
կայացած բանակումին միա-
ւորից մասնակցեցին 50 ըս-
կառւտ:

2000 թ. Յուլիսի 21-28ը
կայացած մարզային բանակումին միաւորից մասնակցեցին
25 սկառւտ:

Նոյն թուականի Օգոստոսի 1-11ը համահայաստանեան
գայլիկական բանակումին միաւորից մասնակցեցին 15 գայ-
լիկ:

2002 թ. ամրանը կայացած մարզային բանակումին միա-
ւորից մասնակցեցին 40 սկառւտ:

Նոյն թուականի Նոյեմբեր ամսին, պատասխանատու
կազմի բացակայութեան պատճառով դադարեցուեց միաւորի



գործունէութիւնը:

Աշխատանքները Չարեն-
ցաւանում վերսկսեցին 2004
թուականից:

2005 թ.ի Յունուարի 16ին
խմբապետական խորհրդի
կողմից կազմակերպուած
մնայուն դպրոց-սեմինարին
միաւորից մասնակցեցին 3
սկառւտ:

Նոյն թուականի Փետրը-
ւարի 28ին միաւորի աստիճա-
նաւորական կազմը կազմա-
կերպեց արշաւ դէպի Խոր Վի-
րապ: Արշաւին մասնակցեցին

35 սկառւտ:

Ապրիլի 23ին, ՀԵՄի կողմից կազմակերպուած դէպի Ծի-
ծեռնակաբերդ ջահերով երթին Չարենցաւանի միաւորն իր
մասնակցութիւնը բերեց 15 սկառւտներով:

Օգոստոսի 12-18ը կայացած միջ-միաւորային բանակումին
միաւորից մասնակցեցին 5 սկառւտ:

Նոյն ամսի 20-26ը կայացած համահայաստանեան գայլի-
կական բանակումին միաւորից մասնակցեցին 7 գայլիկ, 5
գայլիկ պատասխանատուներ:

BDF ••••

SUD S.A.L. AGENT EXCLUSIF. Tel: 09-214507/9/10



Հ.Մ.Ը.Մ.Ի ԼԻԲԱՆԱՆԻ ԸՆՏԱՆԻՔԸ ԱԽՆԳԱԿԱՆ ՓԱՌԱՏՕՆՈՎ ՆՇԵՑ ՀԱՅԱՍՏԱՆԻ ԱՆԿԱԽՈՒԹԵԱՆ 88ԱՄԵԱԿԸ

Թղթակից ՊՈՒՐՃ ՀԱՄՈՒՑ

Կիրակի, 28 Մայիսին, լիբանանահայտնությունը խիտ շարքերով ոգեկոչեց Հայաստանի անկախության 88ամեակը եւ իր հայեացքները յարեց Պուրճ Համուտի Քաղաքապետարանի դաշտ, ուր Հ.Մ.Ը.Մ-ի նորահաս սերունդը տողանցեց հաստատաքայլ եւ վճռակամ՝ շարունակելու համար անկախության սերունդին, հայության եւ հայրենիքի պահպանման համար իրենց կեանքերը զոհաբերածներուն ուղին:

ՆԵՐԿԱՆԵՐԸ

Մեծի Տանն Կիլիկիոյ Արամ Ա. Կաթողիկոսին հովանաւորութեամբ, Լիբանանի Հայոց Թեմի Առաջնորդ Գեղամ Եպս. Խաչերեանի նախագահութեամբ, Հ.Մ.Ը.Մ-ի Լիբանանի Շրջանային Վարչութեան կազմակերպութեամբ եւ Հ.Մ.Ը.Մ-ի Շրջանային Սկսուած Խոր-

հուրդին եւ խմբապետութեան գործադրութեամբ տեղի ունեցած Մայիսեան փառատօնին ներկայ եղան քաղաքական, կրօնական անձնաւորութիւններ, պատկան մարմիններու, քոյր միութիւններու, մարզական ֆետերասիոններու ներկայացուցիչներ, ինչպէս նաեւ մեծ թիւով հայորդիներ: Ներկաներուն շարքին էին Հ.Մ.Ը.Մ-ի Կեդրոնական Վարչութեան անդամ եղբայրներ՝ Գառնիկ Մկրտիչեան, Ստեփան Տէր Պետրոսեան, Պատրիկ Կիւլպէնկեան եւ Կարպիս Գապասազալեան:

ԲԱՅՈՒՄԸ

Փառատօնին բացումը կատարուեցաւ իւրայատուկ կերպով: 10 վեթերան Հ.Մ.Ը.Մ-ականներ, միութեան գաղափարական լոյսը խորհրդանշող անմար ջահը յանձնեցին 10 դայիկներու, որոնք կը ներկայացնէին նոր սերունդը: Բոլորը միասնաբար ուղղուեցան սկսուածներու կողմէ դաշտին կեդրոնը պատրաստուած հսկայ ջահին մօտ: Վեթերաններու նուիրեալ ոգիով եւ գայլիկ-

ներու փոքր, սակայն խոստմնալից թաթիկներով բոցավառեցաւ կեդրոնական ջահը: Ապա, երէցական փաղանգներէն եղբայրներ մարմնաւորեցին հայկական թագաւորութիւնները, հայ ազատամարտիկներն ու ֆետայիները, որոնք ոչինչ խնայեցին ի խնդիր հայութեան եւ Հայաստանի:

Այնուհետեւ տեղի ունեցաւ դրօշակի արարողութիւն: Եւազոյնը, Լիբանանի եւ Հ.Մ.Ը.Մ-ի դրօշները ծածանեցան դաշտին մէջ՝ Հ.Մ.Ը.Մ-ի Լիբանանի մասնաճիւղերու սկսուածներուն ձեռային աշխատանքով պատրաստուած բերդաձեւ կառուցքին վրայ:

ԲԱՐԻ ԳԱՆՈՒՍԻ ԽՕՍՔԸ

Հ.Մ.Ը.Մ-ի շեփորախումբին կողմէ Լիբանանի եւ Հայաստանի քայլերգներուն ներկայացումէն ետք, Հ.Մ.Ը.Մ-ի Լիբանանի Շրջանային Վարչութեան անունով ներկաները ողջունեց եղբայր Համբիկ Միսաքեան: Եղբայրը դիտել տուաւ, որ Հ.Մ.Ը.Մ-ը կը սատարէ անհատի մը հոգեկան, ֆիզիքական եւ

մտային կազմաւորման, հայապահպանման եւ հայեցի դաստիարակութեան, որովհետեւ սերունդները հայօրէն ապրեցնելու կողքին՝ Հ.Մ.Ը.Մ.ը զանոնք կը գինէ նաեւ հայօրէն գոյատեւելու եւ կառչելու համար իրենց ինքնութեան: Եղբայրը դիտել տուաւ, որ ներկայ մարտահրաւէրներուն դիմաց Հ.Մ.Ը.Մ.ը կը կանգնի իբրեւ անխորտակելի պատնէշ:

Եղբ. Միսաբեան անդրադարձաւ այն երեւոյթին, որ թէեւ Հ.Մ.Ը.Մ.ը տառապանքի եւ ցաւի շրջանին ծնունդ առաւ, սակայն ան գիտցաւ դուրս գալ անկէ եւ քալել յաջողութիւններու ճամբով՝ յաղթանակներ կերտելու համար: Այս երթին մէջ իրենց ներդրումը ունեցած նուիրեալները յիշելով եւ լուծեան մէջ անոնց տարած աշխատանքին անդրադառնալով, եղբ. Միսաբեան շեշտեց անոնց տեղն ու դերակատարութիւնը, ոգեկոչեց մեզմէ բաժնուածներուն յիշատակը, ողջունեց զանոնք եւ շնորհակալութիւն յայտնեց անոնց: Իր խօսքին աւարտին, եղբ. Միսաբեան հաստատեց, որ երթը կը շարունակուի աննահանջ կերպով ու հաստատ քայլերով՝ նորանոր յաղթանակներու ուղիով:

ՇՐՋԱՆԱՅԻՆ ՎԱՐՉՈՒԹԵԱՆ ԱՐԱՔԵՐԷՆ ԽՕՍՔԸ

Հ.Մ.Ը.Մ.ի Լիբանանի Շրջանային Վարչութեան խօսքը արաբերէնով փոխանցեց ատենապետ եղբ. Յակոբ Քէ-

շիշեան: Ան դիտել տուաւ, որ Մայիսեան փառատօնին կազմակերպումը եւ սկսուտական, մարզական եւ դպրոցական շարքերու տողանցքը 1980ական թուականներէն ի վեր աւանդութիւն դարձած է Շրջանային Վարչութեան համար: Ան նշեց, որ տարիներու աշխատանքը միշտ իր արդիւնքը տուած է եւ Հ.Մ.Ը.Մ.ը քաղած է անոր պտուղները: Եղբ. Քէշիշեան դիտել տուաւ, որ Հ.Մ.Ը.Մ.ի մարզիկները այսօր միջազգային մակարդակի վրայ հպարտութեամբ կը ներկայացնեն միութիւնը եւ կը բարձրացնեն անոր անունը՝ իրենց յաջողութիւններով եւ արձանագրած պատուաբեր արդիւնքներով: Ան ողջունեց դաշտերէն մինչեւ ակումբներու սրահներն ու ժողովասենեակները տարւած ժրջան աշխատանքները, որոնց շնորհիւ կարելի է ապրիլ ու շարունակել



Մեծի Տանն Կիլիկիոյ Արամ Ա. Կաթողիկոսը կը փոխանցէ Հայրական իր պատգամը:

եւ ըսաւ, որ անոնք կ'երաշխաւորեն, որ յաղթերթը ոչ մէկ օր կանգ պիտի առնէ, որովհետեւ նախորդ սերունդներէն փոխանցուած հաւատքով պիտի վերանորոգուի ուխտը եւ շարունակէ բոցավառիլ անմար կրակը:

Իր խօսքին աւարտին, եղբ. Քէշիշեան կոչ ուղղեց ըսկառուներուն եւ մարզիկներուն՝ ծառայելու հայութեան, Հայաստանին ու Լիբանանին, անսակարկ նուիրումով աշխատելու անոնց համար եւ միշտ առաջնորդուելու Հ.Մ.Ը.Մ.ի նշանաբանով՝ «Բարձրացիր-բարձրացուր»ով:



Հ.Յ.Դ. ԼԻԲԱՆԱՆԻ ԿԵԴՐ. ԿՈՄԻՏԵԻՆ ԽՕՍՔԸ

Հ.Յ.Դ. Լիբանանի Կեդրոնական Կոմիտէին խօսքը փոխանցեց



Ձախին՝ միություն գաղափարական ջանք վերջերան սերունդէն կը փոխանցուի նոր սերունդին: Աջին՝ գեղարուեստական յայտագիրին մասնակիցներ սկսուտական կայմին առջել:

երեսփոխան Յակոբ Բագրատունի, որ անդրադարձաւ 88 տարիներ առաջ արձանագրուած Մայիսեան յաղթանակի արժէքին ու իմաստին, ինչպէս նաեւ անոր ընդմէջէն սերունդներուն փոխանցուած կտակին:

Յակոբ Բագրատունի դիտել տուաւ, որ իր պատմութեան ընթացքին միշտ հալածուած, կոտորածներու ենթարկուած, շահագործուած, անարդարութիւններ կրած հայութիւնը արդէն 88րդ անգամը ըլլալով կը տօնէ իր անկախութիւնը: Ան նկատել տուաւ, որ այս երեւոյթին գաղտնիքը կը կայանայ հայութեան վճռակամութեան, պողպատեայ կամքին, ազատատենչ պայքարին, շղթաները փշրող բռունցքին եւ ապագայասլաց հաւատքին մէջ: Բագրատունիի համաձայն, 28 Մայիս 1918ը հիմն է Հայաստանի պետականութեան, Հայ Դատի արդի ըմբռնումին, հայութեան մէկտեղումին, ամբողջական Հայաստանի պահանջին, Արցախի ազատատենչ պոռթկումին, բռնազը-

րակալ բոլոր հողերու ազատագրումին եւ «մէկ Հայաստան, մէկ հայութիւն» անխորտակելի երազին: «Ու այդ բոլորով, 28 Մայիսը խորհրդանշան է ու տօնը իւրաքանչիւր ազատ հայ մարդու, ազատ հայ քաղաքացիի, անկախ ու ազատագրուած մտքի տէր հայ անհատի: Ան խորհրդանշան է ու տօնը նահատակութիւնը ազատօրէն նախընտրող, բանտին երկաթեայ ձողերը գրկող, իր ժողովուրդին պաշտպանութեան համար զէնք բարձրացնող հայ մարդուն, որուն համար ազատութիւնը

մեծագոյն արժէքն է ու մահը՝ յաղթանակ այդ արժէքներուն համար», հաստատեց ան: Յ. Բագրատունի աւելցուց, որ այդ օրը նաեւ տօնն է այն հայուն, որ գիտէ ծառայել միայն հաւաքական շահերու, իր հայրենիքին ու ժողովուրդին, որ կը հաւատայ Դէպի Երկիր պայքարին, կը գործէ հզօրացնելու Հայաստանի պետականութիւնը՝ միշտ ձգտելով ազատ, անկախ եւ միացեալ Հայաստանին, որ միակ տունը պիտի ըլլայ ամբողջ հայութեան:

ՁԷՏՏ ԽԻԱՄԻԻ ԽՕՍՔԸ

Յաջորդ խօսքը արտասանեց երիտասարդութեան եւ մարմնակրթութեան նախարարութեան ընդհանուր տնօրէն Ջէյտ Խիամին: Ան իր գոհունակութիւնը յայտնեց խօսելու փառատօնին միութեան մը, որ կը հաւատայ, թէ մարմնի կրթութեան համար նաեւ պէտք է դաստիարակել ոգին ու մշակել միտքը: Ան ըսաւ, թէ քիչեր կը գիտակցին այն իրողութեան, որ



պէտք է մարզանքը հեռու պահել անպարկեշտ մրցակցութենէ եւ զայն հեռու պահել համայնքային ու կուսակցական խտրականութենէ:

Ձէյտ իամի դիտել տուաւ, որ լիբանանեան պատերազմի տարիներուն փառատօններն ու տօնակատարութիւնները կանգ առին, իսկ այսօր երբ անոնք կրկին կեանքի կոչուած են, սկստուտութիւնն ու մարզիկները հանդիսութիւններ կը կազմակերպեն, կը լեցնեն դաշտերն ու ակումբները եւ մարմնակրթմանքը զարգացում կ'ապրի: Այս առիթով ան անդրադարձաւ Հ.Մ.Ը.Մ.ի դերակատարութեան եւ Լիբանանի մէջ անոր ունեցած արժէքին՝ լուսարձակի տակ առնելով այն երեւոյթը, որ միութիւնը շատ յաճախ Լիբանանի անունը բարձր պահած է յաշ աշխարհին:

Իր խօսքը աւարտելով, Ձէյտ Խիամի



Հ.Մ.Ը.Մ.ի Լիբանանի Ծրջանային Վարչութեան եղբայրները բաժակներ կը յանձնեն ֆութպոլի միջ-մասնաճիւղային խաղերու ախոյեան խումբերուն:

գնահատեց Հ.Մ.Ը.Մ.ը եւ ըսաւ, թէ անոր տօնախմբութիւններն ու փառատօնները կը գնահատուին լիբանանեան մակարդակի վրայ, որովհետեւ Հ.Մ.Ը.Մ.ը յառաջատար դիրքեր կը գրաւէ թէ՛ լիբանանեան իրականութեան եւ մեր սրտերուն մէջ:

Հ.Մ.Ը.Մ.Ի ԿԵԳՐՈՆԱԿԱՆ ՎԱՐՉՈՒԹԵԱՆ ԱՏԵՆԱՊԵՏԻՆ ԽՕՍՔԸ

Ապա, խօսք առաւ Հ.Մ.Ը.Մ.ի Կեդրոնական վարչութեան ատենապետ եղբարու Գառնիկ Մկրտիչեան: Եղբայրը դիտել տուաւ, որ միութեան մարզական եւ

Maison Mere
4 Sekkat El Manakh, Cairo - Egypt
Tel: (202) 3913296 - 3918542
Fax: (202) 3903899

Ramses Hilton
Tel: (202) 5758000 - 5744400
Direct: (202) 5751790

Zamalek
11 Hassan Sabry st., Degla center
Tel: (202) 3322121 - 3322130
Fax: (202) 3322130

VARTAN KAZANDJIAN

KAZANDJIAN

E-mail: vartan@intouch.com

Joillier-Orfevre Fonde en 1920



Փառատօնին խօսքեր կ'արտասանեն եղբայրներ Համբիկ Միսաքեան (Լիբանանի Երջանային Վարչութեան քարտուղար), Յակոբ Քէշիշեան (Երջանային Վարչութեան ատենապետ), պետական երեսփոխան Յակոբ Բագրատունի, երիտասարդութեան եւ մարմնակրթութեան նախարարութեան ընդհանուր տնօրէն Զէյտ Խիամի, Հ.Մ.Ը.Մ.ի Կեդրոնական Վարչութեան ատենապետ Գառնիկ Մկրտիչեան եւ Լիբանանի Հայոց Թեմի Առաջնորդ Գեղամ Եպս. Խաչերեան:

սկառուտական գործունէութեան տարւածան մը աշխատանքին արգասիքը հանդիսացող եւ հայ ժողովուրդի քննութեան ներկայանալու սահմանուած աւանդական այս փառատօնը, որ ամէն տարի գեղեցիկ գուգադիպութեամբ մը կը կատարուի Մայիս 28ի՝ Հայաստանի Առաջին անկախութեան տօնին առիթով, կը վկայէ, թէ Հ.Մ.Ը.Մ.ը տակաւին կը գործէ անդու՛ իր նպատակներուն իրականացման ի խնդիր, որովհետեւ հոն կը բացայայտուի սկառուտութեան եւ մարզական խումբերուն իսկական պատկերը, միութենական շունչն ու ոգին:

Եղբ. Մկրտիչեան նշեց, որ սփիւռքեան իրականութեան մէջ այսօր, աւելի

քան երբեք, բազմացած են անորոշ ու անյայտ սպառնալիքները, թաքնուած, սակայն ներկայ թշնամիները եւ աւելցուց. «Այսօր, Հ.Մ.Ը.Մ.ի վարիչներուն, հայ ծնողներուն գործը շատ աւելի դժուար է, քան ինչ որ էր երեկ, որովհետեւ հայութիւնը երեկ կ'ապրէր համախումբ կեանք, պորտակապով կապուած էր իր ծննդավայրին: Այսօր այդպէս չէ. ան ցրուած է աշխարհի չորս ծագերը, հեռացած է իր արմատներէն եւ կ'ապրի օտար բարքերու ազդեցութեան տակ: Երեկ թշնամին յայտնի էր: Այսօր անյայտ է: Կարմիր ջարդը չէ, որ կը սպառնայ մեր գոյութեան, այլ՝ սպիտակ ջարդը»:

Եղբ. Մկրտիչեան կոչ ուղղեց ծնող-

ներուն՝ համախմբուելու միութեան շուրջ, իսկ միութենականները հրաւրեց աւելի ամուր կառչելու միութեան սկզբունքներուն եւ իրենց աշխատանքներուն:

Եղբ. Մկրտիչեան իր խօսքին մէջ լուսարձակի տակ առաւ այս տարի տեղի ունենալիք Համա-Հ.Մ.Ը.Մ.ական 8րդ բանակումը, որ իր շուրջ պիտի բոլորէ միութեան 98 մասնաճիւղերէն աւելի քան 700 սկառուտներ, որոնք 10 օրեր պիտի ապրին Արագածի շուքին տակ, իրենց քրտինքը պիտի շողախեն հայրենի հողին՝ հայեացքները սեւեռած Արարատին:

«Այժմ, Հ.Մ.Ը.Մ.ի շունչով հասակ առած քոյրեր եւ եղբայրներ, քալեցէ՛ք

հպարտ, ձեր հայ-եացքը ուղղած Մասիսի յաւերժական ձիւնապատ սեգ նակատին, այն յոյսով ու մնայուն ձգտումով, որ Հ.Մ.Ը.Մ.ի դրօշը մօտիկ ապագային նաեւ կը ծածանի Արարատի գագաթին: Քալեցե՛ք վնոակամ եւ հաստատաքայլ, քալեցե՛ք հայութիւնը ունենալով ձեր աչքին դիմաց ու հոգիներուն խորը, ձեր երթը ըլլալ յաղթական, մինչեւ հայ ժողովուրդի ամբողջական յաղթանակը, ազատ, անկախ եւ միացեալ Հայաստանի կերտումը», *եզրափակեց ան:*

ՏՈՂԱՆՅՔԸ

Պաշտօնական խօսքերէն ու պատ-



գամներէն ետք հասաւ բոլորին կողմէ սպասուած պահը. սկստուտութիւնը քալեց հաստատ քայլերով՝ առաջնորդուած վեթերան Հ.Մ.Ը.Մ.ականներու կողմէ, որոնք օրինակ ու տիպար էին իրենց հետեւող երէցներուն, պարմանուհիներուն, արի-արեւոյճներուն, գայլիկ-

կանները:

ԳԵՂԱՐՈՒԵՍԱԿԱՆ ՅԱՅՏԱԳԻՐ ԵՒ ԱՌԱՋՆՈՐԴԻՆ ԽՕՍՔԸ

Յաջորդեց գեղարուեստական յայտագիրը: Սկստուտները ներկայացուցին պարանի եւ կրակի չարքաշ խաղեր, պա-

արծուիկներուն եւ մոկլիկներուն:

Հ.Մ.Ը.Մ.ի շեփորախումբին առաջնորդութեամբ յաջորդաբար տողանցեցին Հ.Մ.Ը.Մ.ի Զահլէի, Պէյրութի, Պուրճ Համուտի, Այնճարի, Անթիլիասի, Ժրտէյտէի մասնաճիւղերը: Ապա, Այնճարի մասնաճիւղի շեփորախումբին առաջնորդութեամբ տողանցեցին մարզիկներն ու ԼԵՎԱՄի մրցաշարքերուն մասնակցած դպրոցա-



Travel Ways - Egypt

NILE CROCODILE CRUISES




*Incoming Tour Operator
Hotel & Cruise Reservation
Transportation
Excursions*

Attia el Sawalhy St., Serag Center Tower#1
from Makram Ebeid- Nasr City, Cairo, Egypt
Tel: 02 2739400/500/600
www.travelways-egypt.com
marketing@twasegy.com



Սկաուտներ կը ներկայացնեն կրակի եւ շարքաշութեան խաղեր:

րեր, որոնց աւարտին անոնք կազմեցին Լիբանանի եւ Հայաստանի դերօճները:

Այս առիթով ողջոյնի խօսք փոխանցեց Լիբանանի Հայոց Թեմի Առաջնորդ Գեղամ Եպս. Խաչերեան: Ան ոգեկոչեց յիշատակը այն նուիրեալ նահատակներուն, որոնք իրենց արեամբ գրեցին հայ ժողովուրդի արդի պատմութիւնը եւ անոր տուին ապրելու եւ գոյատեւելու կամք, ինչպէս նաեւ՝ երաշխաւորեցին անոր գոյութիւնը: Մայիս 28ը կերտած հերոսներուն մասին խօսելով, Առաջնորդը դիտել տուաւ, որ անոնք գիտակցեցան, թէ պէտք է կերտել հայկական պետականութիւն, որ պէսպիսի կարելի ըլ-

լայ բարձր պահել հայութեան արժանապատուութիւնը, գայն միշտ պահպանելով Արարատի պէս վեհ ու սպիտակ: Ան աւելցուց, որ առանց արժանապատուութեան չկայ մարդկային արժէք, ազգերը արժէք ու դեր չունին միջազգային կեանքին մէջ: Մայիսեան հերոսները մեզի տուին հայօրէն ու հպարտօրէն ապրելու իրաւունք, թէեւ նիւթական շատ բան կորսնցուցած էր հայ ժողովուրդը, սակայն հարուստ էր բարոյական արժէքներով ու մաքուր էր իր պատիւով, հաստատեց Գեղամ Եպս. Խաչերեան, շեշտելով, որ այդ հաւատքով ու կամքով ապրած ժողովուրդը անպայման օր

մը պիտի տիրանայ իր ամբողջական իրաւունքներուն: Ան նշեց, որ հայութիւնը կտակ ունի անբիծ պահելու իր արժանապատուութիւնը, վեհ՝ իր ճակատը եւ հաստատ քայլերով յառաջանալու փառքի ու յողթմանակի ուղղութեամբ:

Ապա, Առաջնորդը լուսարձակի տակ առաւ Մեծի Տանն Կիլիկիոյ Արամ Ա. Կաթողիկոսին ներկայութիւնը եւ անոր դերակատարութիւնը՝ հայ ժողովուրդն ու անոր իրաւունքները միջազգային մակարդակի վրայ ներկայացնելու եւ գանոնք պաշտպանելու առումով: Լիբանանահայութեան անունով ան իր երախտագիտութիւնը յայտնեց Արամ Ա. Կաթողիկոսին:

Իր խօսքին աւարտին, Գեղամ Եպս. Խաչերեան շեշտեց, որ Հ.Մ.Ը.Մ-ի վաստակն ու առաքելութիւնը նկատի ունենալով՝ կարելի է վստահ ըլլալ, թէ Մայիսեան փառքը կերտողներուն կտակը կը պահուի եւ անոնց երթը կը շարունակուի:

ԱՐԱՄ Ա. ԿԱԹՈՂԻԿՈՍԻՆ ՈՂՁՈՅՆԻ ԽՕՍՔԸ

Հանդիսութեան աւարտին, ներկաներուն իր ողջոյնի խօսքը փոխանցեց Մեծի Տանն Կիլիկիոյ Արամ Ա. Կաթողիկոս: Ան ըսաւ, թէ Մայիս 28ի խորհուրդը կարելի է ամփոփել «Հաւատա-



րիմ Մայիս 28ի հոգիին ու տեսիլքին» նախադասութեամբ՝ աւելցնելով, որ տարիներ շարունակ հայ եկեղեցին, դպրոցը եւ ակումբները այդ հաւատարմութիւնը ապրեցողցին հայ սերունդներու հոգիներուն մէջ: Այդպէս մտածեց, ապրեցաւ, գործեց եւ պայքարեցաւ հայութիւնը, այդ սկզբունքէն մեկնած՝ հայկական գաղութները կազմաւորւեցան եւ Հայ Դատի հետապնդման աշխատանքները ծաւալեցան, դիտել տուաւ Արամ Ա. Կաթողիկոս եւ հաստատեց, որ Մայիսեան այդ գաղափարաբանութիւնն է, որ սերունդներուն տուաւ հզօրութիւնը՝ դիմագրաւելու բոլոր մարտահրաւէրներն ու խոչընդոտները եւ պահելու իրենց ինքնութիւնը:



Մեծի Տանն Կիլիկոյ Կաթողիկոսը դիտել տուաւ, որ այդ հոգին ու տեսիլքը տակաւին ներկայ են ու կենդանի, անոնք երբեք անցեալ չեն, այլ՝ ներկայ ու ապագայ են, անով կը միանան Պուրճ Համուտն ու Սարգարապատը, Երեւանն

ու Սփիւռքը եւ համայն հայութիւնը:

Արամ Ա. Կաթողիկոս նշեց, որ Մայիսեան այդ հաւատարմութիւնը պարտք կը դնէ իւրաքանչիւր հայու ուսերուն՝ կենսագործելու եկեղեցւոյ առաքելութիւնը, ամրապնդելու հայ դպրոցը, հարըտացնելու մշակութային արժէքները, հզօրացնելու ազգային պահանջատիրութիւնը, Սփիւռքը եւ անով՝ Հայաստանի պետականութիւնը եւ անկախութիւնը:

Մայիսեան փառատօնը աւարտեցաւ Վեհափառ Հօր «Պահպանիչ»ով:

Լուսանկարները՝
«ՖՈԹՕ ՐԱՖՖԻ»Ի

With the compliments of

Restaurant Al-Mayass



Հ.Մ.Ը.Մ.Ի ՊՈՒՐՃ ՀԱՄՈՒՏԻ ՄԱՍՆԱՃԻՒՂԻ ՀԻՄՆԱԴՐՈՒԹԵԱՆ 70ԱՄԵԱԿԻ ՏՕՆԱԿԱՏԱՐՈՒԹԻՒՆ



արտասանեց յոբելեալ մասնաճիւղի վարչութեան անդամ եղբ. Նուպար Էսկիճեան: Ան յայտնեց, որ Հ.Մ.Ը.Մ.ը միութիւն մըն է, որ լեցուն է հայկականութեամբ, ազգասիրութեամբ, հայրենիքին ու ժողովուրդին համար զոհ-ւելու պատրաստակամութեամբ եւ ծառայելու ոգիով: Շարունակելով իր խօսքը, եղբայրը նկատել տուաւ, որ Հ.Մ.Ը.Մ.ի Պուրճ Համուտի մասնաճիւղը տարիներու ընթացքին հայրութեան համար հայրենիքին մէկ շերտը դարձաւ:

Թղթակից ՊՈՒՐՃ ՀԱՄՈՒՏ

Հովանաւորութեամբ Հ.Մ.Ը.Մ.ի Լիբանանի Շրջանային վարչութեան, կազմակերպութեամբ Հ.Մ.Ը.Մ.ի Պուրճ Համուտի մասնաճիւղի վարչութեան եւ նախագահութեամբ Լիբանանի Հայոց Թեմի Առաջնորդ Գեղամ Եպս. Խաչերեանի, Կիրակի, 18 Յունիս 2006, կէսօրէ առաջ ժամը 11.30ին, «Յակոբ Տէր Մելքոնեան» Թատերասրահին մէջ տեղի ունեցաւ Հ.Մ.Ը.Մ.ի Պուրճ Համուտի մասնաճիւղի հիմնադրութեան 70ամեակի սոնակատարութիւնը:

Հո՞՞ք բազմութեան մը ներկայութեան, հանդիսութիւնը սկսաւ մարզիկներու սրահ մուտքով, տարիներու ըն-

թացքին մասնաճիւղին խլած բաժակներուն մէկ մասը իրենց ձեռքին: Այնուհետեւ կատարուեցաւ դրօշակի յանձնում՝ երէց Հ.Մ.Ը.Մ.ականի մը կողմէ կրտսեր սերունդի պատկանող Հ.Մ.Ը.Մ.ականի մը: Ապա, յաջորդեց դրօշակի արարողութիւնը: Ներկաները ունկնդրեցին Լիբանանի, Հայաստանի եւ Հ.Մ.Ը.Մ.ի քայլերդները՝ Հ.Մ.Ը.Մ.ի շեփարհումբին կատարողութեամբ:

Տօնակատարութեան բացման խօսքը



Հ.Մ.Ը.Մ.ի Լիբանանի Շրջանային վարչութեան ատենապետ Յակոբ Քէչիշեան խօսք առնելով յայտնեց, թէ Լիբանանահայ գաղութին եւ Հ.Մ.Ը.Մ.ի ընտանիքին համար նշանակալից է 1935 թուականը, որովհետեւ այդ տարի կը հիմնուէր Պուրճ Համուտի մասնաճիւղը,

որուն պարտականությունը պիտի ըլլար նորահաս սերունդներուն ջամբել ազգային դաստիարակություն, մարդկային արժեքներ եւ մարմնակրթություն: Եղբայրը շեշտեց, որ Հ.Մ.Ը.Մ-ը իր նպատակով եւ գործունէութեամբ



Ջախին՝ տօնակատարութեան բացումը կը կատարէ եղբ. Նուպար Էսկիճեան: Աջին՝ Հ.Մ.Ը.Մ-ի Լիբանանի Երջանային Վարչութեան ողջոյնի խօսքը կը փոխանցէ ատենապետ եղբ. Յակոբ Քէշիշեան:

դպրոցին ու համալսարանին հաւասարելով, մշտավառ ջանք ու փարոս հանդիսացաւ, եւ հազարաւոր հայորդիներ հատարիմ մնալով «Բարձրացիր-բարձ-

րացուր» նշանաբանին, ջահը փոխանցեցին սերունդէ սերունդ: Եզրափակելով իր խօսքը, եղբ. Քէշիշեան շնորհակտրեց մասնաճիւղի հիմնադրութեան 70ամեա-

նի «Բարձրացումը» քերթուածը: Օրուան պատգամը փոխանցեց Հ.Մ.Ը.Մ-ի Կեդրոնական Վարչութեան ատենապետ եղբ. Գառնիկ Մկրտիչեան:

կը՝ մաղթելով նորանոր յաջողութիւններ եւ բարի երթ հայապահպանման, մարդակերտման ու հայակերտման աշխատանքներուն, որպէսզի կատարելագործուի ամբողջականը՝ հասնելու համար լաւագոյնին: «Կը հաւատանք, որ եթէ մեզմէ իւրաքանչիւրը ընէ իր կարելին, բոլորս միասին կրնանք իրականացնել անկարելին», ըսաւ ան:

Այնուհետեւ Անոյշ Գերպապեան ասմունքեց Վահան Թէքէեանի «Բարձրացումը» քերթուածը:

ARMENIA
for private and group trips
www.saberatours.fr

Saberatours Sevan Voyages

WITH THE COLLABORATION OF THE NEW AIRLINE COMPANY

Armavia
Արմավիա

Photos: © Yann Arhous-Berthaud, Ferre vue du Ciel. Licence 075 960031. StudioVCCEN 2007 1905

Direct Flights
PARIS
YEREVAN
PARIS

Select your Journey

Guided Tours for 8 Days or 12 Days

11, rue des Pyramides
75001 Paris
tel 331 42 96 10 10
fax 331 42 96 18 77
saberatours@selectour.com

48, cours de la Liberté
69003 Lyon
tel 334 78 60 13 66
fax 334 78 60 92 26
sevan@selectour.com

67, La Canebière
13001 Marseille
tel 334 95 09 30 60
fax 334 95 09 30 61
marseille@wasteels.fr

32-38, rue Hanrabedoutian
Yerevan
tel 374 10 52 55 55
fax 374 10 56 40 30
sabera@arminco.com



Ashnag



«Ծառայութեան» շքանշանով պարգևատրեալ եղբայրներ Նազարէթ Կելոյեան, Հայկ Աշգարեան եւ Յովհաննէս Արգարեան: Առողջական պատճառներով կը բացակայի եղբ. Յովհաննէս Պերպլերեան:

ՉՕՆ՝ Հ.Մ.Ը.Մ.Ի ՊՈՒՐԾ ՀԱՄՈՒՏԻ ՄԱՍՆԱԳԻՒՂԻՆ

*Քալենք եղբայրներ շարքով խանդավառ,
Թող չառնէ բնա՛ւ, երթը մեր դադար,
Հաստատ քայլերով, երգով յաղթական,
Երթանք կերտելու, հայոց ապագան:*

*Հ.Մ.Ը.Մ. քաջ ծնած Պուրճ Համուտ,
Թող յաւերժ ապրի որդիդ սկաուտ,
Մրջնիկ ու գայլիկ, արծուիկ՝ շա՛տ ապրիք,
Որ ձեզ հետ ապրին հայեր երջանիկ:*

*Քարճրացուցիր մեզ, քարճրացանք քեզ հետ,
Եղանք ջահակիր, դրօշ փառահեղ,
Հնչեցին շեփոր, փողեր ու ծնծղայ,
Մեր երգը ուրախ, յաւետ պիտ թնդայ:*

*Ողջո՛յն սերունդներ, հայեր տարագիր,
Մենք ձեզ չենք մոռնար, եղանք ջահակիր,
Մրցում ու բաժակ, եղանք ախոյեան,
Պուրճ Համուտն է մեր, խաղաղ օթեւան:*

*Կ'ուխտենք մենք այսօր, հայրեր հիմնադիր,
Հ.Մ.Ը.Մ.ի մենք նոր որդեգիր,
Արեւներու հետ, պայծառ ու կապոյտ,
Պիտի կերտենք նոր, հզօր Պուրճ Համուտ:*

ՇԱՀԱՆԴՈՒՄՏ

Ան իր խօսքին սկիզբը յարգանքի օր նկատեց Հ.Մ.Ը.Մ.ի Պուրճ Համուտի մասնաճիւղին հիմնադրութեան 70ամեակը եւ յարգանքի արժանի դասեց մասնաճիւղի շարքերուն մէջ ծառայած բոլոր անհատները, որոնք յարատեւ ճիւղերով սերունդներ հասցուցին՝ տալով իրենց լաւագոյնը եւ առաւելագոյնը, անխաթար պահելով Հ.Մ.Ը.Մ.ի վեհ առաքելութիւնը:

Շարունակելով իր խօսքը, եղբ. Մկրտիչեան ըսաւ. «Հ.Մ.Ը.Մ.ի Պուրճ Համուտի մասնաճիւղին 70ամեակը առիթ է յետադարձ ակնարկով յիշելու անցեալը, գնահատելու ներկան եւ խոնկեմ կերպով ծրագրելու ապագան»: Ան 70ամեակը նախորդ ամեակներուն հետ բաղդատելով, նկատել տուաւ, որ ներկայիս պայմանները փոխուած ըլլալով՝ միութիւնը կը դիմագրաւէ տարբեր տեսակի դժուարութիւններ, ինչպէս՝ հաւաքավայր-ակումբի պակաս, առօրեայ գործի հեւք, այլասերումի եւ անտարբերութեան երեւոյթներ: «Մեր յաջողութեան գաղտնիքներէն է Հ.Մ.Ը.Մ.ի բարոյական դրամագլուխը, տարիներու վարկը, անունը, որոնց տոկոսներն են որոնք կու գան խտացնելու մեր շարքերը», ըսաւ ան՝ անդրադառնալով անոնց, որոնք անցան միութեան շարքերէն եւ կը ղրկեն իրենց զաւակները, որպէսզի անոնք եւս իրենց մէջ զարգացրնեն Հ.Մ.Ը.Մ.ի պատկանելիութիւնը:





Շարունակելով իր խօսքը, եղբ. Մկրտիչեան անհրաժեշտ նկատեց բարեփոխումներ կատարել, որպէսզի պահուի կազմակերպական որակը՝ հարց տալով, թէ վարչական գործելաձեւերը որքանով կը յարմարին ներկայ պայմաններուն,

նաեւ ժողովական կեանքի դասաւորումները որքան գործնական են ներդրաւելլու համար երիտասարդ սերունդին կարողականութիւնը, իրապաշտ եւ գործնական մօտեցումը:

Եզրափակելով իր խօսքը, եղբայրը հաստատեց, որ Հ.Մ.Ը.Մ-ը դարձած է ամբողջ հայութեան երիտասարդական մեծագոյն կազմակերպութիւնը՝ համոզուելով, որ Հ.Մ.Ը.Մ-ի կազմակերպ, գործօն եւ յարատեւ աշխատանքով հաւաքաբար կրնանք աւելի եւս սատարել ազատ ու անկախ մեր հայրենիքի վերականգնումին:

Այնուհետեւ ցուցադրուեցաւ մասնաճիւղին ծնունդը, անցեալը եւ ներկան ներկայացնող տեսաերիզ մը, որմէ ետք օրուան հանդիսավարը բեմ հրաւիրեց Շրջանային Վարչութեան ատենապետ եղբ. Յակոբ Քէչիշեանը եւ Պուրծ Համուտի մասնաճիւղի ատենապետ եղբ. Յովիկ Պրիշմճեանը, որպէսզի կատարեն «Մառաշտութեան» շքանշանի տուչութիւն՝ երկար տարիներ մասնաճիւղին



- Full of Charme Hotel, New Construction, French Architecture, International Standards, 100 m from the Republic Square and 15 minutes from the Yerevan International Airport.
- 44 Rooms and 3 Suites with all comforts, all climate controled, minibar, shower or bathroom with private WC, hairdryer. Satellite TV, international direct dial phone. Internet & Email access.
- Individualized and personal service, 24 hour reception and room service
- Bar



Feel at home, away from home...

Reservations Yerevan
 32-38, Hanrabadoutian Street,
 Yerevan 375010, Armenia
 Tel 374 10 54 60 60 • Fax 374 10 54 60 50
 sales@europehotel.am

Studio/CKEN 2005 PARIS

www.europehotel.am



Ձախին՝ Լիբանանի Հայոց Թեմի Առաջնորդ Գեղամ Եպս. Խաչերեան կը փոխանցէ իր խօսքը: Աջին՝ օրուան պատգամը կը փոխանցէ Հ.Մ.Ը.Մ.ի Կեդրոնական Վարչութեան ատենապետ եղբ. Գառնիկ Մկրտիչեան:

նուիրուած եղբայրներ Յովհաննէս Պէրպէրեանի, Նազարէթ Կէրոյեանի, Հայկ Ազգարեանի եւ Յովհաննէս Աբգարեանի: Հանդիսավար եղբայրը ամփոփ գիծերով ներկայացուց իւրաքանչիւր եղբոր կենսագրականը եւ գործունէութիւնը: Ապա յանձնուեցան շքանշանները: Նշենք, որ Յովհաննէս Պէրպէրեան անհանգստութեան պատճառով կը բացակայէր, սակայն մասնաճիւղին ու-

ղարկած էր շնորհակալական խօսք մը: Հանդիսութեան եզրափակիչ խօսքը փոխանցեց Լիբանանի Հայոց Թեմի Առաջնորդ Գեղամ Եպս. Խաչերեան: Ան նկատել տուաւ, որ Հ.Մ.Ը.Մ.ը կազմակերպութիւն մըն է, որ ծնունդ առած է հայ ժողովուրդին վերածնունդէն եւ սերած է հայ ժողովուրդի պատմութենէն՝ մարմնաւորելով հայ ժողովուրդի ոգին: Անոր գործունէութիւնը անհրաժեշտու-

թիւն մըն է, որմէ կարելի չէ խուսափիլ: «Հ.Մ.Ը.Մ.ը իր բրած նուաճումներէն անկախ՝ հայ ժողովուրդին տուաւ հպարտութիւն, արժանապատուութեան ոգի եւ ապրելու կամք», աւելցուց Առաջնորդ Սրբազանը: «Հ.Մ.Ը.Մ.ը մեր ժողովուրդին տուաւ այնպիսի զգացում մը, որ ոչ մէկ ուժ, վիճակ կամ պայման կրնայ զգետնել զինք», ըսաւ ան: Ան նկատել տուաւ, որ Հ.Մ.Ը.Մ.ը

յարատեւելու, պայքարելու, չզարտուելու եւ չընկրկելու ոգին իրերայաջորդ սերունդներուն ճամբով ներարկեց մեր ժողովուրդին կեանքին:

Եզրափակելով իր խօսքը, Առաջնորդը յայտնեց, որ Հ.Մ.Ը.Մ.ի Պուրճ Համուտի մասնաճիւղի 70ամեակի պատգամը այն է, որ Հ.Մ.Ը.Մ.ը իր առաքելութեան ճամբուն վրայ անշէղ քայլէ:

Տօնակատարութիւնը փակուեցաւ Առաջնորդ Սրբազան Հօր «Պահպանիչ»ով: Ապա հնչեց «Սարգարապատ» յաղթերգը:



Հ.Մ.Ը.Մ.ի Պուրճ Համուտի մասնաճիւղի ներկայ վարչութիւնը:
Ձախէն աջ՝ եղբայրներ Բաֆֆի Բէշիշեան, Հրաչ Պոշնագեան, քոյր Նորա Բարսեղեան, եղբայրներ Նուպար Էսկիճեան, Դրօ Ճանճիկեան, Յովիկ Պիլէմճեան, Պաղտասար Յարութիւնեան, Յովիկ Ծորճեան եւ Յովսէփ Թիքիճեան:

Լուսանկարները՝ «ՍԹԻՏԻՕ ԱՇՆԱԿ»ի



ՊԱՍՔԵԹՊՈՒԼԻ ՄԻՉ-ՄԱՍՆԱՃԻՒՂԱՅԻՆ ՄՐՑԱՆԱՐՔԻ ԹՐԻՓՈՒԼԻ ՄԷՉ

Թղթակից ԹՐԻՓՈՒԼԻ

4 Յունիս 2006ը անմոռանալի օր մը եղաւ Թրիփոլիի հայտնի համար ընդհանրապէս եւ Հ.Մ.Ը.Մ.ի Թրիփոլիի մասնաճիւղին համար յատկապէս:

Արդարեւ, Հ.Մ.Ը.Մ.ի Թրիփոլիի մասնաճիւղին վարչութեան կազմակերպութեամբ եւ Հ.Մ.Ը.Մ.ի Լիբանանի Շրջանային Վարչութեան հովանաւորութեամբ, տեղի ունեցաւ պասքեթպոլի միջ-մասնաճիւղային մրցաշարք մը, որ սկսաւ առաւօտեան ժամը 10ին եւ աւարտեցաւ երեկոյեան ժամը 9ին:

Կէսօրէ առաջ, գտումի մրցումները տեղի ունեցան Թրիփոլիի «Զահրա» եւ «Պալթաթի» դաշտերուն վրայ, իսկ կէսօրէ ետք, աւարտական մրցումները՝ «Սաֆատի» մարզական համալիրին մէջ, որ սիրալոթար կերպով տրամադրուեցաւ «Մուլթիսհէտ» ակումբի վարչութեան կողմէ:

Մրցաշարքին մասնակցեցան Հ.Մ.Ը.Մ.ի Թրիփոլիի, Այն-ճարի, Անթիլիասի, Պուրճ Համուտի, Պէյրութի եւ Ճիւնիի մասնաճիւղերը, ինչպէս նաեւ՝ Թրիփոլիէն կրտսերներու «Զահրա» խումբը:

Ներկայ էին Շրջանային Վարչութեան անդամներ եւ մասնաճիւղերու վարչական եղբայրներ:

Զտումի մրցումներէն ետք, տղոց աւարտականին հասան



Ձախիճ՝ մասնաճիւղերու ներկայացուցիչները օրուան կարկանդակը հատելու պահուն: Աջիճ՝ Հ.Մ.Ը.Մ.ի Պէյրութի եւ Պուրճ Համուտի պասքեթպոլի աղջկանց խումբերը:



Հ.Մ.Ը.Մ.ի Այնճարի, Անթիլիասի, Պուրճ Համուտի եւ Թրիփոլիի խումբերը:

Հ.Մ.Ը.Մ.ի Թրիփոլիի եւ Ճիւնիի խումբերը, իսկ աղջկանց աւարտականին՝ Հ.Մ.Ը.Մ.ի Պէյրուսթի եւ Պուրճ Համուտի խումբերը:

Կէսօրին տեղի ունեցաւ հաւաքական ճաշ, «Նաւասարդ» ակումբին մէջ, հիւրընկալութեամբ՝ Թրիփոլիի մասնաճիւղին:

Խօսք առաւ Թրիփոլիի մասնաճիւղի ատենապետ եղբ. Հրանդ Առաքելեան, որ շնորհակալութիւն յայտնեց մասնաճիւղերու ներկայացուցիչներուն, մարզիչներուն եւ մարզիկներուն, որոնք իրենց ներկայութեամբ եւ մասնակցութեամբ նպաստեցին մրցաշարքին յաջողութեան:

Ապա բեմ հրաւիրուեցան մասնաճիւղերու ներկայացուցիչները եւ մրցաշարքին կազմակերպական աշխատանքները համադրող եղբ. Պետիկ Լոճիկեանը, կտրելու համար օրուան կարկանդակը:

Կէսօրէ ետք, աւարտական մրցումներու կողքին, տեղի ունեցաւ նաեւ հետաքրքրական այլ մրցում մը՝ Հ.Մ.Ը.Մ.ի Պէյրուսթի եւ Թրիփոլիի վեթերաններուն միջեւ:

Բաժակատուելութիւնը կատարուեցաւ Շրջանային Վար-

չութեան ատենապետ եղբ. Յակոբ Քէշիշեանի, Թրիփոլիի վարչութեան ատենապետ եղբ. Հրանդ Առաքելեանի եւ մասնաճիւղի պատրիարքի ներկայացուցիչ եղբ. Յովսէփ Քէշիշեանի ձեռամբ:

Ձեռնարկը վերջ գտաւ եղբայրական ջերմ միջնորդարի մէջ: Խումբերը բաժնուեցան՝ ապագային նման ձեռնարկներ կրկնելու խոստումով:

Ստորեւ մրցումներուն արդիւնքները:-

●ՓՈՔՐ ՏՂԱՔ

Պուրճ Համուտ - «Ջահրա» 62 - 50

●ՏՂԱՔ

Թրիփոլի - Այնճար 57 - 19

Թրիփոլի - Պուրճ Համուտ 36 - 20

Ճիւնի - Անթիլիաս 51 - 47

Երրորդ դիրքի մրցում

Անթիլիաս - Պուրճ Համուտ 64 - 56



Հ.Մ.Ը.Մ.ի ձիւնի խումբը:

Աւարտական
Թրիփոլի - Ճիւնի 43 - 38

●ԱՂԶԻԿՆԵՐ
ԱԻԱՐՏԱԿԱՆ
Պէյրուժ - Պուրճ Համուս 28 - 20

●ՎԵԹԵՐԱՆՆԵՐ
Պէյրուժ - Թրիփոլի 39 - 33

ԵՂԲ. ՅԱԿՈՒ ԽԱՉԵՐԵԱՆ ՎԵՐԸՆՏՐՈՒԵՑԱԻ
ԱՍԻՈՅ ՊԱՍՔԵԹՊՈԼԻ ՖԵՏԵՐԱՍԻՈՆԻ
ԳՈՐԾԱԴԻՐ ԽՈՐՀՈՒՐԴԻ Ա. ՓՈԽ ՔԱՐՏՈՒՂԱՐ

Յունիսին, Քուէյթի մէջ տեղի ունեցաւ Ասիոյ պասքեթպոլի Ֆետերասիոնի ընդհանուր ժողովը, որուն աւարտին տեղի ունեցաւ նոր Ֆետերասիոնի գործադիր խորհուրդի ընտրութիւն: Ընտրութեան իրենց մասնակցութիւնը բերին Ասիոյ 44 երկիրներու ներկայացուցիչները:

Եղբ. Յակոբ Խաչերեան, որ Մայիսին վերընտրուած էր Արեւմտեան Ասիոյ պասքեթպոլի Ֆետերասիոնի ընդհանուր քարտուղար, վերընտրուեցաւ եւ մաս կազմեց Ասիոյ պասքեթպոլի Ֆետերասիոնին եւ անոր գործադիր խորհուրդին՝ ստանձնելով առաջին փոխ քարտուղարի պաշտօնը:



Sarkis
or
Paul

SASSOUNIAN INC.
Tools - Supplies - Machines

Complete Line Of Jewelry Supply

716 S. Olive Street
Los Angeles, CA 90014

Tel: (213) 627-1220
(213) 627-1206
Outside Ca: 1-800-544-4419
Fax: (213) 623-6981

www.sassouniantools.com E-mail: info@sassouniantools.com



Հ.Մ.Ը.Մ. - «ԿԱՄՔ»Ի ՄՈՆԹՐԷԱԼԻ ՄԱՍՆԱՃԻՒՂԻՆ ՄԱՅԻՍ 28Ի ԱՒԱՆԴԱԿԱՆ ՏՈՂԱՆՑՔԸ

Տիրան Շահինեան ՄՈՆԹՐԷԱԼ

28 Մայիս 1918. Հայաստանի Ա. Հանրապետության անկախության օր:

Թուական մը, զոր մոնթրէալահայտաբանները անհամբեր կը ըստանային՝ տեսնելու համար Հ.Մ.Ը.Մ.ի սկստական եւ մարզական շարքերուն աւանդական դարձած տողանցքը:

Կիրակի, 28 Մայիս 2006ը եղաւ այս տարուան Մայիսեան փառատօնին օրը, որ անգամ մը խանդավառեց հոգիները եւ մտքերուն մէջ արթնցուց Հայաստանի Ա. Հանրապետության կերտումի փառապանծ յուշերը:

Հ.Մ.Ը.Մ.-«Կամք»ի Մոնթրէալի մասնաճիւղին վարչութիւնը եւ ընկառու. խորհուրդը, ինչպէս միշտ, այս տարի եւս ճիշտ չինսայեցին տպաւորիչ տողանցք մը ներկայացնելու համար:

Նախքան տողանցքին մասին խօսիլը, հետաքրքրական եւ կարեւոր է խօսիլ



մասնակիցներուն՝ «Փարք» Մարսէլին Ուիլսոն հրապարակ ժամանումին մասին:

Հոն աներեւակայելի խանդավառութիւն մը կար բոլորին դէմքերուն վրայ: Ծնողները ազգային պարտականութեան գիտակից, կը բերէին իրենց գաւազանները հաւաքովայր եւ տարագաւոր փոքրերը մեծ հպարտութեամբ կը յառաջանային դէպի իրենց պատասխանատուները: Կարճ ժամանակ ետք, բոլորն ալ սկստական շարքերով կը սպասէին «Քայլ առաջ, օ՛ն» հրահանգին, որ

տրուեցաւ ճիշդ ժամը 12-15ին, մասնաճիւղի խումբապետ եղը՝ էրիկ Արապեանի կողմէ:

Մասնաճիւղին շեփորախումբը, որ կ'առաջնորդուէր եղը՝ Յակոբեանի կողմէ, սկսաւ թնդացնել մըթնոյրտը: Շեփորախումբին կը հետեւէին Գանատայի, Քէպէքի եւ Եռագոյն դրօշակները, ապա՝ Մոնթրէալի մասնաճիւղի վարչական կազմը, սկստական եւ մարզական խորհուրդի կազմերը, արժուիկները, արենոյները, գայլիկները, սկառտները, երէցները, հետախոյզները, պարմանուհիները, աւագ երէցները եւ մասնաճիւղի ֆուլթայլի փոքրերու խումբերը:

Հ.Մ.Ը.Մ.ի համակիրներ եւ ծնողներ կը հետեւէին շեփորախումբին՝ երբեմն նկարելով եւ երբեմն ալ ծափահարելով, մինչ շեփորախումբը եւ սկստական խումբերը չափական ու հաստատ քայլերով կը յառաջանային: Նկատելի էր հայտնի շրջաններու քաջալերանքը տո-





ղանցքին ընթացքին, ինչ որ աւելի կը խանդավառէր տողանցողները: Անոնք որքան որ կը մօտենային եկեղեցւոյ, այնքան կը բազմանար ժողովուրդին թիւն ու ծափահարութիւնը:

Սկստական խորհուրդի ծրագրին համաձայն, տողանցողները պէտք էր եկեղեցի հասնէին ժամը 1.15ին եւ ճիշդ ալ այդ ժամուն Սուրբ Յակոբ Մայր Եկեղեցոյ բակը սկսաւ թնդալ շեփորախումբի նուազով եւ հարիւրաւոր ժողովուրդի հետեւողութեամբ: Հոգեհանգստեան պաշտօնէն ետք, տեղի ունեցաւ Եռագոյն դրօշի օրհնութիւն, որմէ ետք Գանատայի Հայոց Թեմի Առաջ-

նորդ Խաժակ Արք. Յակոբեանի եւ Սուրէն Արք. Գաթարոյեանի հովանաւորութեամբ, թափօրը միացաւ ժողովուրդին:

Ժողովուրդը յուզումով հետեւեցաւ Եռագոյն դրօշի բարձրացման արարողութեան, Գանատայի եւ Հայաստանի Հանրապետութեան զոյգ քայլերգներուն, նուազով եւ սկստական կազմի անդամներու «Պատուի առ»ով:

Դրօշակի արարողութենէ ետք, Սրբբազան Հայրը հակիրճ կերպով փոխանցեց օրուան պատգամը: Ան գնահատեց տողանցքը կազմակերպողները, մասնակիցներն ու ներկաները:

ՄԱՐԶԱԿԱՆ ՊԱՏԱՍԽԱՆԱՏՈՒՆԵՐՈՒ ԵՒ ՄԱՐԶԻՉՆԵՐՈՒ ԴԱՍԱԽՕՍԱԿԱՆ ՀԱՆԴԻՊՈՒՄՆԵՐ

Տիրան Շահինեան ՄՈՆԹՐԷԱԼ

ՀՄԼՄ-ի Գանատայի շրջանի դաստիարակչական եռամեայ ծրագրին գործադրութեան համար, Շրջանային Վարչութեան նախաձեռնութեամբ եւ Մոնթրէալի «Հ.Մ.Լ.Մ.-Կամք»-ի վարչութեան եւ մարզական խորհուրդին կազմակերպութեամբ, դասախօսական երկու շահեկան հանդիպումներ տեղի ունեցան մասնաճիւղին մարզական բոլոր խումբերու պատասխանատուներուն եւ մարզիչներուն համար:

Այս երկու հանդիպումներուն (առաջինը՝ 24 Յունուար 2006ին եւ երկրորդը՝ 2 Յունիս 2006ին) դասախօսան էր Հ.Մ.Լ.Մ-ի Կեդրոնական Վարչութեան անդամ եղբայր Հրաչ Տէր Սարգիսեան:

Առաջին հանդիպումին առիթը տրուեցաւ բոլոր մասնակցողներուն՝ արտայայտելու իրենց մտահոգութիւնները, դժուարութիւնները, վերջապէս՝ իրենց գործունէութեան դրական եւ ժխտական երեսները: Եղան նաեւ թելադրութիւններ:

Երկրորդ հանդիպումին, ի հետեւանք առաջին հանդիպումին եւ կատարուած թելադրութիւններուն, եղբայր Տէր Սարգիսեան ընդհանուր համադրումէ մը ետք, ներկայացուց դասախօսական հետեւեալ նիւթերը՝ երկու հանգրուանով-

- Ա.- Հ.Մ.Լ.Մ.ի գաղափարաբանութիւնը
- Հ.Մ.Լ.Մ.ականի տրպարը եւ արժէքները
- Մարզական բարոյագիտութիւն
- «Fair Play» - կարգապահական
- Բ.- Մարզիչը եւ իր գործունէութեան դաշտը



- Հոգեբանական, ֆիզիքական եւ բնագիտական գիտելիքներ

Շնորհիւ միութենական եւ վարչական իր ձեռնհաս կարողութիւններուն, դասախօս եղբայրը կարողացաւ մեծ հետաքրքրութեամբ ներկաները կապել դասախօսական նիւթերուն եւ ապահովել անոնց գործակցութիւնն ու ներդրումը, ի խնդիր ներկայ սերունդի միութենական առողջ դաստիարակութեան:

Որոշուեցաւ ամսական հերթականութեամբ շարունակել դասախօսական նման հանդիպումները:

Վստահ ենք, որ Հ.Մ.Լ.Մ-ի Գանատայի շրջանի դաստիարակչական եռամեայ ծրագրին կանոնաւոր գործադրութիւնը, իր չորս բաժիններով (վարչական-սկստական-մարզական-կազմակերպչական), մեծապէս պիտի սատարէ շրջանի վերելքին:



Հ.Մ.Ը.Մ.-ՖՐԱՆՍԻ ՖՈՒԹՊՈՒԼԻ ԵՒ ՊԱՍՔԵԹՊՈՒԼԻ ՄԻՋ-ԵՒՐՈՊԱԿԱՆ ՄՐՑԱՇԱՐՔԸ «ՍՈՒՐԷՆ ՄՈՒՐԱՏԵԱՆ» ԲԱԺԱԿ

Սեան նապարեան ՓԱՐԻՉ

ՀՄԸՄ-Ֆրանսի երկու տարին անգամ մը տեղի ունեցող Փուլթպոլի եւ պասքեթպոլի աւանդական մրցաշարքը այս տարի եւս ՀՄԸՄ-ի Եւրոպայի մասնաճիւղերու միջեւ հանդիպման առիթ մը հանդիսացաւ:

Շաբաթ եւ Կիրակի, 3 եւ 4 Յունիսի օրերուն, տարբեր երկիրներէ ժամանած ալյալեզու ՀՄԸՄ-ական մարզիկները ՀՄԸՄ-Ֆրանսի հիւրընկալ յարկին տակ դարձան հայալեզու եւ յարաբերեցան մանաւանդ ՀՄԸՄ-ականի լեզուով:

Ալմելոյի (Հոլանտա), Լոնտոնի (Անգլիա) եւ, առաջին անգամ ըլլալով, նորաստեղծ մասնաճիւղ՝ Սթոքհոլմի (Շուէտ) մարզական խումբերը, Փուլթպոլի թէ պասքեթպոլի, երկու օրուան

ընթացքին իրարու դէմ մրցեցան, գնդակը պատրուակելով իբրեւ հանդիպման միջոց:

Շուրջ 100 մարզիկներ երկու օրուան ընթացքին կատարեցին մրցուձմները եւ արձանագրեցին հետեւեալ արդիւնքները:-

●Փուլթպոլ- Ա. դիւբըլ գրաւեց ՀՄԸՄ-Ֆրանս (Ա.), Բ. դիւբըլ՝ ՀՄԸՄ-Սթոքհոլմ (Շուէտ) եւ Գ. դիւբըլ՝ ՀՄԸՄ-Ալմելո (Հոլանտա):

●Պասքեթպոլ- Ա. դիւբըլ գրաւեց ՀՄԸՄ-Ֆրանս (Ա.), Բ. դիւբըլ՝ ՀՄԸՄ-Լոնտոն (Անգլիա) եւ Գ. դիւբըլ՝ ՀՄԸՄ-Ֆրանս (Բ.):

Մրցաշարքի աւարտին տեղի ունեցաւ փակման արարողութիւն, որուն ներկայ եղան կրօնական եւ պետական պաշտօնական անձնաւորութիւններ՝ Եւրոպայի Կաթողիկոսական Պատուիրակ, Փարիզի Առաջնորդ Գիւտ Արք. Նաքքաշեան, Հայաստանի դեսպանատան ներկայացուցիչներ,



Ֆ.Կ. Խաչի ներկայացուցիչը, Իսի լէ Մուլինոյի քաղաքապետութեան ներկայացուցիչները, քաղաքապետական կցորդներ, ՀՄԸՄ-ի Կեդրոնական Վարչութեան Եւրոպայի ներկայացուցիչ եղբ. Լեոն Պաղտասարեան, ՀՄԸՄ-ականներ, համակիրներ եւ բարեկամներ:

Առաջին հերթին հնչեցին Ֆրանսական եւ հայկական քայլերգները, ՀՄԸՄ-Ֆրանսի շեփորախումբին կատարողութեամբ: Այնուհետեւ, սկսուտական տողանցքով յառաջացան մարզական խումբերը:

Ապա բեմ հրաւիրուեցաւ Փարիզի Առաջնորդ Գիւտ Արք. Նաքքաշեան, որ արժեւորեց ինքնամատոյց գիտակցութիւնը, որուն միջոցով նախնիներու վառած ջահը հաւատքի վերածելով կը շարունակուի ժառանգուիլ: Առաջնորդ Սրբազանը ընդգծեց միշտ կատարելիս հասնելու, ընկերութեան բարիք դառ-



նալու կարեւորութիւնը:

Իր կարգին, Իսի լէ Մուլինոյի քաղաքապետի ներկայացուցիչ Նիքոլ Եսայեան փոխանցեց քաղաքապետին բարեմաղթութիւնները եւ սրտի ուրախութիւնը, որ Հ.Մ.Ը.Մ.-Ֆրանսը իր մրցաշարքը միշտ կը կատարէ Իսի լէ Մուլինոյի մէջ:

Հ.Մ.Ը.Մ.-Ֆրանսի վարչութեան անունով ելոյթ ունեցաւ ատենապետ եղբ. Հրաչ Սիսեռեան: Ան մատնանշեց, որ Հ.Մ.Ը.Մ.-Ֆրանսը իր հիմնադիրին՝ Սուրէն Մուրատեանին յիշատակը վառ կը պահէ: Վարչութիւնը հաւատարիմ Հ.Մ.Ը.Մ.ի առաքելութեան՝ ապագայ սերունդ պատրաստելու իր ուխտը կը կատարէ, ծառայելով հայրենիքին, Հայ Դատին եւ նեցուկ կը կանգնի Հայաստանի բարգաւաճման:

Եղբ. Սիսեռեան շնորհակալութիւն յայտնեց ծնողներուն, որ իրենց զաւակները կը վստահին Հ.Մ.Ը.Մ.ին: Ան շնոր-



հակալութիւն յայտնեց նաեւ մրցաշարքի մարզական բոլոր խումբերուն:

Այնուհետեւ յանձնուեցան բաժակները: Բաժակներ տրուեցան նաեւ Ֆուլթոլի տիպար խումբին (Սթոքհոլմի), պասքեթպոլի տիպար խումբին (Հ.Մ.Ը.Մ.-Ֆրանս), Ֆուլթոլի տիպար մարզիկին (Միքայէլ Համբարձումեան-Հ.Մ.Ը.Մ.-Ֆրանս Ա.) եւ պասքեթպոլի տիպար մարզիկին (Լորիս Առաքելեան-Լոնտոն):

Մետալներ տրուեցան իրաւարարնե-

րուն: Յուշանուէր մը փոխանցուեցաւ Լոնտոնի շրջանէն մարզիչ-իրաւարար եղբ. Շարլի Մալասին, որ վարեց պասքեթպոլի վերջին խաղը, նաեւ՝ իր վերջին խաղը:

Մրցաշարքի աւարտին, ի նպաստ մարզիկներուն տեղի ունեցաւ պարահանդէս, որուն ներկայ գտնուեցաւ աւելի քան 350 հոգի: Երեկոն խանդավառեց «Անի» նուագախումբը, մինչեւ առաւօտեան ուշ ժամեր:

Հ.Մ.Ը.Մ.-Ֆրանսի վարչութեան տքնաջան աշխատանքին արդիւնքն էր այս մրցաշարքին յաջողութիւնը, որ կը կրէր իր հիմնադիրին՝ Սուրէն Մուրատեանի անունը:

Այս մրցաշարքին յաղթանակը բոլորին էր, Հ.Մ.Ը.Մ.ին էր, երբ յաջողած էր երիտասարդական աւելնն ու աշխուժութիւնը ի մի բերել ու իր նպատակին ծառայեցնել:

Made from one single slice of natural Australian opal



Classique
OPAL DIAL WATCH

Sarkis Der Bedrossian

Sams Watchmaker Jeweller Pty. Ltd.
123 Clarence Street
Sydney 2000
Australia

Phone: +61 2 9290 2199

fax: +61 2 9262 1630

Website: www.classiquewatches.com

Email: Info@classiquewatches.com



Հ.Մ.Ա.Կ.Ի ՊԱՍՔԵԹՊՈՒԽ ԱՂՋԿԱՆՑ ԽՈՒՄՔԸ ԿԸ ՀԱՆԴԻՍԱՆԱՅ ԻՐԱՆԻ ԵՐԿՐՈՐԴ

Հայ Մշակույթային «Արարատ» կազմակերպության «Լուրեր Արարատ-ից» պարբերակներին ուրախությամբ կը տեղեկանանք, թե կազմակերպության պատրաստվողի աղջկանց Ա. խումբը հանդիսացած է Իրանի բարձրագույն դասակարգի երկրորդ: Յաջողութիւն մը, որ անհախընթաց է իրանահայ մարզական կեանքին մէջ:

Հ.Մ.Ա.Կ.ի պատրաստվողի աղջկանց Ա. խումբը իր մասնակցութիւնը կը բերէ Իրանի Բ. դասակարգի ախոյեանութեան: Այս տարի, 12 խումբերու մէջ ան հանդիսացած է 5րդ:



Philippe Photo Trade

Philippe Photo Trade

- Audio / Video Production / Post Production Systems
- Liner / Non-Liner Editing Systems
- Data / Video Large Screen Projection Systems
- Audio / Video Systems for Professional Application
- Conferencing / Simultaneous Translation Systems
- Language Labs & Conventional Training Aids Systems

**EXPERTS IN AUDIO-VISUAL SYSTEMS INTEGRATION
AND TOTAL CONTROL APPLICATION**

Head Office: 1(a) Mesaha St., Orman Sq., Dokki, Zip Code: 12311 A.R. Egypt.
Tel: 7491350 (8Lines) Fax: 7481069 E-mail: philippe@ritsec2.com.eg

Alex. Branch: 33 Sidi El-Metwally St., El-Attarin / Alexandria
Tel: (03)4916017 Fax: (03)4923051 E-mail: philippe@ritsec2.com.eg

Philippe Photo Trade

Assadourian Bros.



ՄԿԱՈՒՏԱԿԱՆ ԱՄՏԻՃԱՆԻ ՏՈՒՉՈՒԹԵԱՆ ՀԱՆԴԻՍՈՒԹԻՒՆ

Մամուլի Մկրտիչեան ԼՈՍ ԱՆՃԵԼԸՍ

Կիրակի, 21 Մայիս 2006ին, Ալեք Փիլիպոս վարժարանի պասքեթպոլի փակ մարզադաշտին վրայ տեղի ունեցավ Հ.Մ.Ը.Մ-ի Լոս Անճելլոսի մասնաճիւղին սկաուտական աստիճանի տուչութեան հանդիսութիւնը:

Մասնաճիւղի սկաուտ խմբագետ եղբ. Արի Պոյաճեան բացաւ հանդիսութիւնը եւ բարի եկաքի խօսքէն ետք, քանի մը խօսքով բացատրեց օրուան հաւաքին նպատակը, թէ՛ այդ օր մասնաճիւղին համար յաջողութեան եւ ուրախութեան օր մըն էր: Քանի այդ օր աստիճանի բարձրացում պիտի ստանային բոլոր անոնք, որոնք շնորհիւ իրենց սկաուտական գիտելիքներուն, վարկ ու բարքին, արժանացած էին այդ պատիւին:

Նպատակը գեղեցիկ էր եւ գնահատելի:

Այս կը նշանակէր, թէ այդ տղաքն ու աղջիկները բան մը եւս սորված էին Հ.Մ.Ը.Մ-ի տեսլականներէն:

Ապա, քոյր Նանօր Տէկիրմէնճեանի հրաւերին ընդառաջելով, աստիճանի բարձրացման արժանացած քոյրերն ու եղբայրները, սկաուտական կանչերու եւ ծափերու տարափին տակ, մէկ-մէկ ներկայացան իրենց պատասխանատուներուն, ի յարգանք՝ բարեւի կանգնեցան, ապա առին իրենց աստիճանին վկայագիրը, երիզը եւ ուրախ-ուրախ վերադարձան իրենց շարքերը:

Պատկերը ե՛ւ ուրախալի, ե՛ւ հպարտալի էր, որովհետեւ

այս կը նշանակէր, որ այդ տղաքն ու աղջիկները պատրաստ էին ծառայելու Հ.Մ.Ը.Մ-ի նշանաբանին, հայակերտումի եւ մարդակերտումի սրբազան գործին:

Սկաուտական այս հպարտալի աշխատանքին ամէնէն հաճելի ու հետաքրքրական մասը Հ.Մ.Ը.Մ-ի այդ անուշիկ, թովալիկ կակուղ թաթիկներուն մասնակցութիւնն էր: Այդ ձագուկներէն իւրաքանչիւրը հազիւ 3-4 տարեկան ըլլար, բայց անոնք այդքան ժամանակ գետինը նստած, լուռ ու մունջ, առանց մայր կամ հայր հարցնելու, իրենց պճտուն աշուկներով հետեւեցան հանդիսութեան: Երբեք չենք կարծեր, որ անոնք տուներ, իրենց մօրը քով այդքան ժամանակ խելօք, հնազանդ կրնան մնալ: Այս առիթով պիտի ըսենք՝ աչքը լոյս բոլոր այն մայրերուն, որոնք իրենց զաւակները յանձնած են Հ.Մ.Ը.Մ-ի սկաուտութեան խնամքին:

Հանդիսութեան վերջաւորութեան հրաւիրուեցաւ Հ.Մ.Ը.Մ-ի Լոս Անճելլոսի մասնաճիւղի վարչութեան ատենապետուհի քոյր Հուրի Ֆունդլեանը՝ իր սրտին խօսքը ըսելու: Քոյր Հուրի վարչութեան անունով շնորհակալութիւն յայտնեց սկաուտական կազմին՝ այս հպարտալի ձեռնարկը կազմակերպած ըլլալուն համար: Նաեւ շնորհակալութիւն յայտնեց Ալեք Փիլիպոս վարժարանի տնօրէնութեան, ծնողներուն, հանդիսականներուն եւ բոլոր անոնց, որոնք կը քաջալերեն Հ.Մ.Ը.Մ-ի աշխատանքը:

Քրոջ խօսքերէն ետք, հանդիսութիւնը փակուեցաւ «Յառաջ նահատակ»ով:

ԵՂԲ. ԳՕԳՕ ՆԱԼՊԱՆՏԵԱՆԻ ՅԻՇԱՏԱԿԻՆ

Պետիկ Լոճիկեան
ՊԷՅՐՈՒԹ

Աւելի քան քառասուն օրեր անցած են արդէն եղբ. Գոգո Նալպանտեանի մահուան: Անձ մը, որ փոքր տարիքէն եղած է Հ.Մ.Ը.Մ.ի մեծ ընտանիքի անդամ: Մաս կազմած է գայլիկներու վոհմակին եւ մինչեւ վերջ քաջայերած է միութեան ձեռնարկները՝ իր ներկայութեամբ եւ օժանդակութեամբ: Ան եղած է Հ.Մ.Ը.Մ.ի Պէյրուսի մասնաճիւղի վարչութեան անդամ եւ ատենապետի պաշտօն վարած է շուրջ տասը տարի: Միաժամանակ, ան հաւատարիմ մնացած է Պէյրուսի Ս. Նշան Մայր եկեղեցւոյ եւ անոր շրջափակին մէջ գտնուող դպրոցին, գոր յաճախած է մանկութեան: Եկեղեցին եւ դպրոցը մեծ տեղ ունեցած են իր կեանքին մէջ:

Եղբ. Գոգո Նալպանտեան ծառայած է եկեղեցւոյ, եղած է դպրոց դասի անդամ՝ Կիրակի օրերը հետեւողական կերպով եկեղեցի յաճախելով, մինչեւ քաղաքացիական պատերազմին օրերը, երբ ապահովական պատճառներով ընդհատուեցաւ անոր կապը եկեղեցւոյ հետ: Աւելի ուշ, ան կրկին սկսաւ ծառայել եկեղեցւոյ, ընտրուեցաւ թաղականութեան անդամ եւ թաղական խորհուրդի կազմին մէջ մնաց 14 տարի եւ երկու տարի ալ եղաւ ատենապետ: Ան համեստօրէն կատարեց իրեն վստահուած աշխատանքները, մինչեւ իսկ եկեղեցւոյ գորգերուն մաքրութեան պարտականութիւնը ստանձնելով: Հագլադէպօրէն գայն տխուր կը տեսնէին իր շուրջիները. ան միշտ ժպտադէմ էր, կատակասէր թէ՛ մեծերուն եւ թէ՛ փոքրերուն հետ: Մեղմ ու հանդարտ ժպիտը միշտ ներկայ էր դէմքին վրայ, նոյնիսկ երբ չարադէտ հիւանդութեան մասին տեղեկացաւ ան: «Աստուծոյ կամքն է, ի՞նչ կրնամ ընել, պիտի համոզւիմ եւ ապրիմ այնքան, որքան տրուած է ինձի», ըսաւ եղբ. Գոգո: Անոր փափաքն էր մահանալ Լիբանանի մէջ, սակայն ան բուժուելու համար մեկնեցաւ Միացեալ Նահանգներ, ուր առողջական վիճակը այնքան մը վատթարացաւ, որ ա՛լ չկարողացաւ վերադառնալ: Իր հիւանդութեան շրջանին նոյնիսկ, ան չէր մոռնար Լիբանանն ու իր բարեկամները, թաղականութեան անդամներուն անուանակոչութեան տօներուն կը հեռաձայնէր, կը շնորհակտրէր եւ կը խոստանար, որ պիտի փորձէ եկեղեցւոյ անուանակոչութեան տօնին ներկայ ըլլալ եւ օժանդակել մատաղի պատրաստութեան, սակայն ավստ՛ս, որ ան պիտի չկարենար իրականացնել իր փափաքները:



Եղբ. Գոգո աջակցած է Կեսարիոյ հայրենակցական միութեան: Մաս կազմած է վարչութեան՝ օգտակար դառնալու համար սաներուն եւ հայրենակցական միութեան այլեւայլ աշխատանքներուն: Ան օժանդակած է նաեւ Հայ Աւետարանական Գոլէճին՝ գորգի ցուցահանդէս կազմակերպելով եւ անոր հասոյթը դպրոցին տրամադրելով:

Այո՛, սիրելի՛ եղբայր, ունէ՛իր շատ մը երազներ, գորս չկարողացար իրականացնել, սակայն վստահ եղիր, որ թաղական կամ Հ.Մ.Ը.Մ.ական եղբայրներդ քեզ չեն կրնար մոռնալ, կարելի չէ Ս. Նշան Մայր եկեղեցի մտնել եւ չյիշել քեզ, չլսել քու մասիդ եղած խօսակցութիւնները ու անթառամ յիշատակներ չվերապրիլ: Հ.Մ.Ը.Մ.ի Պէյրուսի մասնաճիւղի սկսուածները, վարչականներն ու միութենականները չեն կրնար մոռնալ քեզ՝ ժպտուն եւ կատակասէր, խոնարհ, օգնող, բարեսիրտ, համեստ մեծ եղբայր:

Դժբախտաբար չար հիւանդութիւնն ու բախտը քեզ բաժնեցին մեզմէ, բայց յիշատակդ փորագրուած կը մնայ մեր բոլորին յիշողութեան մէջ:

Վարձքդ կատար՝ բոլոր գործերուդ եւ զոհողութիւններուդ համար: Հողը թեթեւ գայ վրադ՝ անմոռանալի եղբայր Գոգո Նալպանտեան:

ԿԸ ՆՈՒԻՐԵՆ

- Հ.Մ.Ը.Մ.ի կեդրոնի վերանորոգութեան առիթով՝
 - Արթուր Նազարեան \$ 200
- Եղբ. Կարօ Թիթիւնեանի յիշատակին՝
 - Եղբ. Սարգիս Ստեփանեան (Պոսթըն) \$ 100
 - Միսաք Հապիպեան (Լիոն) \$ 45

ՀԱՒԱՏԱՒՈՐ Հ.Մ.Ը.Մ.ԱԿԱՆԻ ՄԸ՝ ԵՂԲ. ՏԻԳՐԱՆ ԺԱՄԿՈՉԵԱՆԻ ՅԻՇԱՏԱԿԻՆ

Սգակիր եղբայրներ ՀԱԼԷՊ

ՀՄԸՄ-ի Սուրբոյ ընտանիքը սրտի խոր կսկիծով կ'ոգեկոչէ եղբ. Տիգրան ժամկոչեանի ծառայութիւններն ու յիշատակը:

Եղբ. Տիգրան ծնած է Հալէպ, 1 Սեպտեմբեր 1934ին: Նախնական իր կրթութիւնը ստացած է Վարդանանց վարժարանը: 1953ին մուտք կը գործէ ՀՄԸՄ-ի սկստուական շարքերէն ներս: Ընդհանրապէս իր ծառայութիւնը եղած է գայլիկական շարժումին մէջ, հասնելով մինչեւ Աքելլայի պաշտօնին: Ապա, 1955ին մուտք գործած է ՀՄԸՄ-ի շեփորախումբին մէջ, իբրեւ նուագող:

1979ին, շեփորախումբի վերակազմութենէն ետք, եղբ. Տիգրան կը դառնայ անոր ուսուցիչը եւ խմբավարը:

Միշտ ՀՄԸՄ-ական տիպար եւ օրինակելի ընթացքով, համբերատարութեամբ եւ ժպտուն դէմքով, եղբ. Տիգրան իրեն յանձնուած բոլոր քոյրերու եւ եղբայրներու ներաշխարհին մէջ արմատացուց եւ սիրելի դարձուց նուագը:

31 Հոկտեմբեր 2003ին, ՀՄԸՄ-ի հիմնադրութեան 85ամեակին առիթով, ՀՄԸՄ-ի Սուրբոյ Շրջանային Վարչութիւնը բարձր գնահատելով 50ամեայ իր ծառայութիւնը, գինք կը պարգեւատրէ ՀՄԸՄ-ի «Ծառայութեան» շքանշանով:

Դաժան հիւանդութիւնը եւ անողոք մահը առյաւէտ խլեց մեր բոլորէն, իր ընտանիքէն եւ հարազատներէն սիրելի եղբ. Տիգրանը:

Եղբ. Տիգրան, յիշատակը միշտ վառ պիտի պահենք ՀՄԸՄ-ի մեծ ընտանիքի անդաստանին մէջ:

Աճիւններդ հանգիստ թող ննջեն ցուրտ հողին տակ:
Հողը թեթեւ գայ ընդմիշտ:

The Champs Élysées just steps away and the Parc Monceau nearby

HOTEL



PAVILLON MONCEAU
PARIS

Full of charme,
Tastefully decorated 36 rooms
and 6 suites with individual
heating/air conditioning,
direct access telephone line,
internet connection, minibar,
safety box and satellite TV.
Private bathroom with hairdryer.
The suites can accommodate
3 adults or a family
with parents and 2 children.



43 rue Jouffroy d'Abbans 75017 Paris
Tel 331 56 79 25 00 - Fax 331 42 12 99 38

infos@pavillon-monceau.com
www.pavillon-monceau.com


ԱՆՁՆՈՒԷՐ Հ.Մ.Ը.Մ.ԱԿԱՆԻ ՄԸ ՀՐԱԺԵՇՏԸ (ԵՂՔ. ՇԻՐԱԶ ՀԱՄԱՄՃԵԱՆԻ ՅԻՇԱՏԱԿԻՆ)

Կարօ Յ. Արսլանեան
ՀԱԼԷՊ

Յունիսի առաջին շաբաթը անբնական եռուզեռ մը կար Հայկ պի մէջ: Հայկ պի երիտասարդութիւնը մտահոգ ու անձկալից, սրտատրոփ կ'աղօթէր փրկելու համար գարուն կեանք մը, որ ափսոսանքով երազարձ պիտի մեկնէր՝ խոր սուգի մատնելով Հ.Մ.Ը.Մ-ի ընտանիքը եւ զինք ճանչցող բոլոր ծանօթները:

Գարուն կեանքի տէր երիտասարդը, որ այսօր քաղցր անուն եւ յիշատակ դարձած է՝ եղբ. Շիրազ Համամճեանն է: Ան ծնած էր Հայկ պի, 1971ին: Նախնական կրթութիւնը ստացած է Ազգ. Հայկագեան վարժարանը, իսկ միջնակարգն ու երկրորդականը՝ Ազգ. Քառէն Եփփէ ճեմարանը: Փոքր տարիքէն եղած է ուսումնասէն, ինքնագարգացման տէր անձ մը: Հ.Մ.Ը.Մ-ին անդամակցած է իբրեւ գալլիկ, ապա՝ սկաուտ, միշտ հաւատարիմ մնալով «Բարձրացի՛ր-բարձրացու՛ր» նշանաբանին: Եղբ. Շիրազ անդամակցած է նաեւ Հ.Յ.Դ. Պատանեկան Միութեանց շարքերուն: Դարձած է երիտասարդականի անդամ, ապա մաս կազմած է Հ.Յ.Դ-ի շարքերուն՝ կուսակցութեան ծառայելով մինչեւ իր կանխահաս մահը:

Ուսումնասէնն էր եղբ. Շիրազ չէ բաւարարուած երկրորդականի վկայականով, ան որոշած է մեկնիլ հայրենիք՝ կատարելագործելու համար իր ուսումը, մասնագիտանալով բժշկութեան ճիւղին մէջ, սակայն ճակատագիրը ուսումնական իր



կեանքին ճամբան տարբեր ուղղութեամբ գծած էր: Իր միակ եղբայրը՝ Յովսէփ Համամճեանը կորսնցնելով, ան կը ստիպուէր ուսումը շարունակել Հայկ պի մէջ՝ իր ծնողքին մօտ, յաճախելով պետական համալսարանի տնտեսագիտութեան բաժանմունքը: Նոյն տարին ան կը դառնայ Հ.Յ.Դ. «Քրիստափոր» Ուսանողական Միութեան անդամ:

Իբրեւ Հ.Մ.Ը.Մ-ական, եղբ. Շիրազ միշտ եղած է պարկեշտ միութենական, հոգուով-սրտով գործի դաշտ վազող, կայտառ եւ բոլորին ուշադրութեան արժանի երիտասարդ: Այս իսկ պատճառով կանուխէն ան ստանձնած է բազմաթիւ պաշտօններ, ինչպէս՝ սկաուտական խմբապետ, մասնաճիւղի խմբապետ, ըսկաուտ. Խորհուրդի վաստակաշատ անդամ եւ ի վերջոյ՝ Հ.Մ.Ը.Մ-ի Հայկ պի մասնաճիւղի վարչութեան անդամ: Ան մասնակցած է Հ.Մ.Ը.Մ-ի Դրբ Պատգամաւորական Ժողովին, Ատմա, 1999ին:

Եղբ. Շիրազը այսօր չկայ, սակայն իր գործերն ու խօսքերը կը մնան մեր բոլորին սրտերուն մէջ:

Անոնք կ'ապրին, որովհետեւ եղբ. Շիրազ կարողացաւ իր կեանքով խօսքը վերածել շօշափելի գործի, իսկ այդ գործը պատուաբեր դարձաւ ամբողջ Հայկ պի հայրենիքի համար:

Եւ ինչպէս կ'ըսեն...

«Կեանքը կ'անցնի գործն է միայն

Որ կը մնայ ու կ'ապրի»

Քու փոխանցած լոյսը թող երբեք չհամարի եղբ. Շիրազ:

Վարձքը կատար:

ԵՂՔԱՅՐ ՓԱՆՈՍ ԳԱՐԱՄԱՆԵԱՆԻ ՅԻՇԱՏԱԿԻՆ

Կարպիս Գուլումճեան
ԱԹԷՆՔ

Հողեկան կսկիծը մեզ կը տառապեցնէ ամէն անգամ երբ մեզմէ հրաժեշտ կ'առնէ ազգային մը, մանաւանդ երբ ան հին սերունդին կը պատկանի եւ անոր մեկնումը զգալի բաց մը կը ձգէ ազգային կեանքին մէջ:

Այդպիսիներէն մէկն էր եղբայր Փանոս Գարամանեանը, նկատի չառած շրջան մը գործի եւ պայմաններու բերմամբ ազգային մեր առօրեայէն անոր հեռու մնացած ըլլալը:

Եղբայր Փանոս ծնած էր Տիրքս, 1927ին եւ յաճախած էր տեղւոյն Ս. Կարապետ եկեղեցի-դպրոց նախակրթարանը: Այնուհետեւ, ան ազգային մեր կեանքին մէջ ունեցած էր լաւ մասնակցութիւն: Եղած է Հ.Մ.Ը.Մ-ի Տիրքսի Ֆուլթայոյի Ա. խումբի խաղացող եւ վարչական, Տիրքսի Հ.Յ.Դ. կոմիտէի եւ



1945-1946 մարզական տարեշրջանի Աթէնքի ֆութպոլի Գ. դասակարգի ախոյեանութեան մրցաշարքի ախոյեան՝ Հ.Մ.Ը.Մ.ի Աթէնքի ֆութպոլի Ա. խումբը:

Ձախէն աջ, ոտքի՝ Ժիրայր Հաննէեան, Դանիէլ Դանիէլեան, Յակոբ Գրիշիքեան, Կարապետ Թադէոսեան, Վրէժ Գալայճեան, Կարապետ Յակոբեան եւ ... (Պաթիսթա):

Նստած՝ Գեղամ Սէֆերեան, Արրահամ Արամեան, Յակոբ Թերզեան, Հոկէն Մինասեան եւ Փանոս Գարամանեան:

Լեւոն եւ Սոֆիա Յակոբեան վարժարանի շինութեան յանձնախումբի անդամ:

Ամուսնացած է Հռիփսիմէ Եորդանճեանի հետ եւ բախտաւորուած երեք զաւակներով՝ Արուսեակ, Աննա եւ Եսայի:

Եղբայր Փանոսին յուղարկաւորութիւնը տեղի ունեցաւ Ֆիբսի Ս. Կարապետ եկեղեցւոյ մէջ, նախազահուծեամբ Սրբազան Հօր եւ քահանայական դասուն:

Յաւարտ արարողութեան, Սրբազան Հայրը դամբանախօսութեամբ մը անդրադարձաւ հանգուցեային ազգային կեանքին բերած ջանքերուն ու ապա իր, Ազգային Վարչութեան, Հ.Կ. Խաչի, Թաղային խորհուրդի եւ տիկնանց մարմնի կողմէ հանգուցեային կողակիցին ու պարագաներուն յայտնեց սրտագին ցաւակցութիւններ:

Հանգուցեային կեանքին ու գործին մասին արտայայտուեցաւ նաեւ Վասիլիս Ասթերիս:

Յարգանք յիշատակին:

ՄՍԱՑԱՆՔ

ՄԱՐԶԱՇԽԱՐՀԻ ԱՆՈՒՎՆԻ ՀԱՅԵՐԸ

Աւետիս Պայրամեան,
Լոս Անճելըս, 2005, 532 էջ:

FREDDY KARAGEUZIAN

"ONNIG OF CAIRO"
Egyptian Museum

Tahrir Square - Cairo



Tel: 7730065 Fax: 5081613 E-mail: freddy@gega.net

ՀԵՔԻԱԹ

ԲԻՒՐԱՊԱՏԻԿԸ

Պատրաստեց՝ Սայրի Լատոյեան
ՊԷՅՐՈՒԹ

Ժամանակին, համեստ մարդ մը եւ կին մը կ'ապրէին: Մարդը եկեղեցի երթալ շատ կը սիրէր: Ան ամէն օր եկեղեցի կ'երթար եւ քահանային 1 ոսկի կու տար, քահանան ալ ամէն օր կ'ըսէր իրեն.

Օրհնեալ ըլլաս տղաս, Բիւրապատիկը մէկուն տեղ հազար տայ քեզի:

Մարդը կ'ուրախանար եւ ինքն իրեն կ'ըսէր.

Ինչ լաւ մարդ է այս Բիւրապատիկը. մէկ կու տաս, հազար կու տայ քեզի:

Օր մըն ալ մարդուն դրամները կը վերջանան:

Կինը կ'ըսէ մարդուն.

Գնա՛ քահանային քով, թող ըսէ քեզի Բիւրապատիկին տեղը, հազար ոսկի մը ուզէ իրմէ, իսկ մնացեալը վերջը կ'առնենք:

Մարդը կ'երթայ քահանային քով եւ կնկան ըսածները կ'ըսէ:

Քահանան ճամբայ մը ցոյց կու տայ եւ կ'ըսէ.

Այս ճամբան կը բռնես, կ'երթա՛ս-կ'երթա՛ս, շատ կ'երթաս եւ կը հանդիպիս ոսկէ աթոռի վրայ նստած



մեր քալելէ ետք, ան կը հանդիպի խումբ մը գողերու:

Գողերը կը հարցնեն մարդուն, թէ ո՛ւր կ'երթայ.

Բիւրապատիկին քով կ'երթամ, կ'ըսէ մարդը, մէկ տուած եմ, հազար պիտի տայ ինծի:

Եղբայր, ի՞նչ պիտի քալես ժամերով, օրերով պիտի յոգնիս, մենք քեզի ափ մը ոսկի կու տանք, ա՛ն եւ վերադարձիր տունդ:

Չէ՛, կ'ըսէ մարդը, այդ դրամը իմս չէ, չեմ կրնար առնել:

Եթէ իրաւ արդար մարդ ես, կ'ըսեն գողերը, հարցո՛ւր Բիւրապատիկին եթէ մեզի տեղ կայ երկինքին մէջ:

Գլխուս վրայ, կ'ըսէ մարդը եւ

կը շարունակէ ճամբան:

Բաւական մը քալելէ ետք, ան կը հանդիպի ծեր մարդու մը, որ քարի մը վրայ նստած՝ անդադար կը կրկնէ. Փա՛ռք քեզ Աստուած, փա՛ռք քեզ...

Ամէն անգամ որ Աստուծոյ փառք կու տայ, քարէն ոսկի կը բխի:

Ո՛ւր կ'երթաս եղբայր, կը հարցնէ ծերունին:

Բիւրապատիկին քով, - կը պատասխանէ մարդը, - մէկ տուած եմ հազար պիտի տայ ինծի:

Եկո՛ւր այս ոսկիէն որքան որ կ'ուզես առ:

Չէ՛, կ'ըսէ մարդը, այդ ոսկին ո՛չ իմ տուածս է, ոչ ալ՝ աշխատանքիս արդիւնքը:

Քանի այդպէս է, կ'ըսէ ծերունկը, հարցուր Բիւրապատիկին, թէ ե՞րբ պիտի կտրուի այս ոսկին քարէն:

Գլխուս վրայ, կ'ըսէ մարդը եւ կը շարունակէ ճամբան:

մը: Կ'ըսես «ինծի քահանան զրկեց, քեզի 1 ոսկի տուած եմ, ինծի հազար պիտի տաս»:

Մարդը ճամբայ կ'ելլէ: Ժա-

(Մնացեալը յաջորդիւ)



ԸՆԿԵՐԱԲԱՆ

Ընկերաբանը կը հետաքրքրուի ընկերութեան մէջ գոյութիւն ունեցող հարցերով, օրինակի համար՝ թմրամոլութիւն, ընտանեկան հարցեր, ամուսնալուծում, կիներու եւ այլ մարդոց միջեւ իրաւունքներու հաւասարութիւն եւ այլն: Ընկերաբանը կը սերտէ նաեւ խումբերու եւ անհատներու հարցերը եւ անոնց վերաբերումը՝ այդ հարցերուն նկատմամբ:

Ընկերաբանին գործը կ'ընթանայ հետեւեալ ձեւով:
-Հարց մը կը նկատէ:
-Հարցին մասին տեղեկութիւններ կը հաւաքէ:

-Արդիւնքները կը վերլուծէ:


-Լուծումներ կ'առաջարկէ:

Ընկերաբանը կրնայ աշխատիլ դպրոցի, համալրսարանի, դրամատան, հիւանդանոցի կամ դարմանատան մէջ, ինչպէս նաեւ՝ իրեն յատուկ գրասենեակի մը մէջ:



ԳԻՏԱԿԱՆ

ԼՈՒՍԱՆԿԱՐՁԱԿԱՆ ԳՈՐԾԻՔԸ



Լուսանկարչ ա կ ա ն գործիքին վրայ կը գտնուի աչք մը, որ կ'արգիլէ ժապաւէնին մէջ լրջսին մուտքը: Ճշգրիտ ետք նկարելիք վայրը, գործիքին վրայ գետեղուած կոճակը կը կոխենք, որպէսզի ճամբայ բանայ լրջսին ու այսպէսով կարելի ըլլայ պատկերը գործմել ժապաւէնին վրայ: Ապա, այդ ժապաւէնը յատուկ միջոցներով եւ քիմիական տարրեր նիւթեր խառնելով, լուսիչ ետք՝ կ'ունենանք տպագրուած լուսանկարը:

Ժամանակին ժապաւէնները միայն սեւ-ճերմակ կ'ըլլային: Հետագային է, որ սկսաւ գունաւոր ժապաւէններու գործածութիւնը:

Այժմ հրապարակի վրայ են լուսանկարչական գործիքներու նորագոյն տեսակները՝ թուագրային քամերաները (Digital cameras), որոնք հարիւ-

րաւոր նկարներ կրնան արձանագրել յատուկ «քարտ»երու վրայ, ուրկէ նկարները կրնան փոխանցուիլ համակարգիչ եւ կամ՝ ուղղակի տպուիլ արդիական միջոցներով:

ՀԱՆՇԼՈՒԿ



Ո՞վ է, ի՞նչ է:
Քաղաքներ են տուն չունին,
Ծովեր, գետեր ջուր չունին,
Բարձր լեռներ ձիւն չունին:



(Պատասխանը՝ յաջորդիւ: Նախորդ հանելուկին պատասխանն էր խխունջ):



Էլի Հուլիշեան

ՊՈՒՐՃ ՀԱՄՈՒՏԵԱՆ...

Շարունակուած՝ 5րդ էջին

Գիտեմ միայն, որ այնտեղ հանդիպեցայ ու ծանօթացայ թատերական ասպարէզին մէջ գնահատուած ու հռչակ նուաճած վաստակաւորներու փաղանգին եւ ճանչցայ նոր հրաւիրուած հոյլ մը երիտասարդ նորընծաներու:

Սորվեցայ մանաւանդ, որ «Շղթալած»ը կը ներկայացնէ միջնադարու հա-

յոց պատմութեան մէջ, արաբական տիրապետութեան դէմ Անի քաղաքին ապստամբութեան մէկ դրուագը:

Սորվեցայ նաեւ, որ 1919ին գրուած թատերգութեան համար հեղինակը նախատեսած է 14 հիմնական դերեր, 23 դերեր եւ 40 քաղաքացիներ, աշկերտներ, թզուկներ...:

Ամիսներու հետեւողական փորձերով, ժրաջան աշխատանքէ ետք, տեղի ունեցաւ առաջին բեմադրութիւնը: Կարելի է ըսել, որ հայկական մամուլը շունդայից արժեւորումներով ողջունեց ոմանց համար անակնկալ յաջողութիւնը:

(Շար. 2)

«ՄԱՐԶԻԿ»Ի «ՔԱԶԱԼԵՐ ԱՆԴԱՄ»ՆԵՐ

Հ.Մ.Ը.Մ.ի Կեդրոնական Վարչութեան որոշումով, երկու տարիէ ի վեր հաստատուած է «Մարչիկ»ի «Քաջալեր անդամ»ներու դրութիւնը: Թերթին «Քաջալեր անդամ» կը նկատուին բոլոր անոնք, որոնք տարեկան 200 եւ ատելի ամերիկեան տոյար կը նուիրեն անոր բարգաւաճման ծրագիրներուն:

«Քաջալեր անդամ»ներու անունները կը հրատարակուին թերթին յաջորդական 12 թիւերուն մէջ:

«Մարչիկ»ի «Քաջալեր անդամներ են»-

ԱՐԵՎԵԼԵԱՆ ՄԻՆՅԵԱԼ ՆԱՀԱՆԳՆԵՐԷՆ Վահրամ Դանիէլեան, Լեւոն եւ Թագուհի Փայեաններ, Պետո եւ Սիրան Տէր Պետրոսեաններ, Չարեհ Գարակիւիէան, Յակոբ Թոքաթեան, Վալզէն Լախոյեան եւ Կարպիս Պարսունեան:

ԳԱՆԱՏԱՅԷՆ Կարապետ Ն. Թովմեան:


ՅՈՐԳԱՆԱՆԷՆ Ճորճ Տաքէսեան:

ՀՈՐԻՉՈՆԱԿԱՆ


- Շթութկարտի բերդապահ:
- Պառակտուսի սերմ - Խորձոնձ - Ցամաք:
- Զուարթ - Եւրոպական թագաւորութիւն - Արական օտար անուն:
- Խորթ որդի - Չուան:
- Նաեւ - Ժամանակի միաւոր:
- Իգական օտար անուն - Արեւելեան կարմիր գլխարկ:
- Արաբական սուլթանութիւն - Յակոբ Պարոնեանի ծննդավայրը:
- Զուգիցիւրոյ գետերէն - Ռուս թենիսիստ:
- Կանգնիւր - Տարիք - Յուցական ածական - Չայնակից գիրեր:
- Փոխադարձ դերանուն - Շարունակ:
- Այբուբենէն - Բուժիչ յատկութեամբ վայրի խոտ - Յոյն դիցունէն:
- Տառի մը անունը - Ինքս - Մարտիրոս:
- Աստուած - Աւերակ - Իտալական քաղաք:
- Մերժել, խնայել - Կռիւ:
- Դրկից գիրեր - Մարտունիի գիւղերէն - Պողատեսակ:
- Կապրցախ - Լիբանանի նաւահանգիստներէն:
- Կիլիկեան քաղաք - Յուցական ածական - Խաղաթուղթի մէկնոց:
- Գինետուն - Ինթէր Միլանի պրագիցի ուժբարկուն:
- Ասիական ծով - Սարմէնի երկերէն «... Չայնով» - Կրկնուած բաղաձայններ:
- Ունայն - Պարանոց - Հայկական «մայր գետ»:

ՈՒՂՂԱՀԱՅԵԱՑ

- «Էն. Պի. էյ.»ի կազմերէն - Վայրի սալոր:
- Ճշմարիտ - Զոյգ - Շէյքսպիրի երկերէն - Գեղեցիկ արքայ:
- Անգլերանիկ Ծառուկեանի երկերէն - Հովիւ:
- Ելեկտրականութեան միաւոր - Գոթական կամարի ցցանկիւն - Խորշելի:
- Իրերայաջորդ տառեր - Արական օտար անուն:
- Քուռակ - Պրագիցի մրցավարորդ՝ Ռուպէնա - Մանգաղի կոթ:
- Մակաբոյժ միջատ - Յովհաննայի հայրը - Բարձրաստիճան գինուորական:
- Հայոց Դ. ամիսը - Ակուայ - Չայնանիչ:
- Եւրոպական մայրաքաղաք - Մշակուած հող:
- Դրկից գիրեր - Յոյն փիլիսոփայ - Մատակ ձի - Կրկնուած բաղաձայններ:
- Մազիամի թագաւորներէն - Պողատեսակ - Գրիգոր Լուսաւորիչի ձեռնադրութեան վայրը:
- Այր, ամուսին - Միջազգային ֆուտբոլի գերագոյն մարմինը - Թթուաչ հատերով անտառային բոյս:
- Հիւսիսային Ամերիկայի լիճերէն - Յառաջիկայ - Ճոկան:
- Մնացիչ, հիւթեղ - Լեհաստանի նաւահանգիստներէն:
- Յունաստանի մարզերէն - Տիգրան Օտեանի գրչանունը:



ԹԻԻ 155 ԽԱՉԲԱՌԻՆ ԼՈՒԾՈՒՄԸ





Հ.Մ.Ը.Մ.-ՖԻՐԱՆՄԻԻԿԻ ԱՆԳԼԻԿԱՅ

ՊԱՍԲԵԹՊՈՒԼԻ ՏՂՈՅ ԽՈՒՄԲԵՐԸ